

薛氏二十四種

外科心方法

一之三

中武  
594  
34



武門  
卷之八  
34

外科心法卷之一

薛氏醫按

吳郡薛 已著

新都吳玄有校

脉證名狀二十六種所主病證

見外科精義

浮脉之診浮於指下按之不足舉之有餘再再尋之狀如大過  
管管然見於皮毛間其主表證或為風或為虛浮而大散者  
心也浮而短濇者肺也浮而數者熱也浮數之脉應發熱其  
不發熱而反惡寒者瘡疽之謂也

洪脉之診似浮而大按舉之則泛泛然滿三部其狀如水之洪  
流波之湧起其主血實積熱瘡腫論曰脉洪大者瘡疽之  
進也如瘡疽結膿未成者宜下之濃潰之後脉見洪大則難  
療若自利者不可救治也

薛氏醫按

外科心法卷之一

五

滑脈之診實大相兼往來流利如珠按之則累累然滑也其主  
或為熱或為虛此陽脈也瘡疽之病膿未潰者宜內消也膿  
潰之後宜托裏也所謂始為熱終為虛也

數脈之診按之則呼吸之間動及六至其狀似滑而數也若浮  
而數則素熱也沉而數則裏熱也又曰諸數為熱仲景曰脈  
數不時見則生惡瘡也又曰肺脈俱數則生瘡也診諸瘡洪  
數者裏欲有膿結也

散脈之診似浮而散按之則散而欲去舉之則大而無力其主  
氣實而血虛有表無裏瘡腫膿潰之後而煩痛尚未痊退者  
診其脈洪滑屬散難治也以其正氣虛而邪氣實也又曰肢  
體沉重肺脈大則斃謂浮散者也

芤脈之診似浮而輒按之中央空兩邊實其主血虛或為失血

瘡癰之病診得芤脈膿潰後易治以其脈病相應也

長脈之診按之則洪大而長出於本位其主陽氣有餘也傷寒  
得之欲汗出自解也長而緩者胃脈也百病皆愈謂之長則  
易治也

牢脈之診按之則實大而弦且沉且浮而有牢堅之意若癰癧  
結癰診得牢脈者不可內消也

實脈之診按舉有力而類結曰實經曰邪氣勝則實久病則虛  
人得此最忌瘡疽之人得此宜急下之以其邪氣與臟腑俱  
實故也

弦脈之診按之則緊而弦其似緊者為弦如按弦而不移緊如  
內繩而轉動以此為異春脈浮弦而平不時見則為飲為痛  
主寒主虛瘡疽論曰弦洪相搏外緊內熱欲發瘡疽也

緊脈之診似弦而緊按之如切繩而轉動其主切痛積聚也瘡  
臈得之氣血沉瀆也亦主痛也

瀆脈之診按之則散而復來舉之則細而不足脈瀆則氣瀆也  
亦主血虛瘡腫潰後得之無妨也

短脈之診按舉則不及本位內經曰短則氣病以其無胃氣也  
諸病脈短皆難治瘡臈脈短真氣短也

細脈之診按之則縈縈如蜘蛛之絲而欲絕舉之如無而似有  
細而微其主亡陽衰也瘡腫之病來細而沉時值者裏虛

而欲變證也  
脈微之診按之則軟小而至微主虛也真氣復者生邪氣勝者

危瘡種之病潰後脈微而勻舉自差也  
遲脈之診按舉來遲呼吸定息方得三至其狀似緩而消遲病

疾得之則善新疾得之則正氣虛憊瘡腫得之潰後自痊

緩脈之診按舉似遲而稍駛於遲仲景曰陽脈浮大而濡陰脈

浮大而瀆陰陽同等謂之緩脈見長緩百疾自瘳凡諸瘡腫  
潰後其脈瀆遲緩者皆易愈以其脈候相應是有胃氣也

沉脈之診舉之不足按之方見如爛綿主邪氣在臟也水氣得  
之則逆此陰脈也瘡腫得之邪氣深也

伏脈之診比沉而伏舉之則無按之至骨方得與沉相類而邪  
氣益深矣

虛脈之診按之不足遲大而軟輕舉指下豁然而空經曰脈虛  
則血虛血虛生寒陽氣不足也瘡腫脈虛宜托裏和氣養

血  
軟脈之診按之則如帛在水中極軟而沉細亦謂之軟其主胃  
氣弱瘡腫得之補虛排膿托裏

弱脉之診似軟而極微來遲而似有仲景曰微弱之脉綿綿如  
濡漆之絕其主血氣俱虛形精不足大抵瘡家沉遲濡弱皆  
宜托裏

促脉之診按之則去數來時一止而復來仲景曰陽盛則促主  
熱畜於裏也下之則和瘡腫脉促亦急下之

結脉之診按之則往來遲緩時一止而復來仲景曰陰盛則結  
經曰促結則生代則死

代脉之診按之則往來動則中止不能自還因而復動者曰代  
脉也代者氣衰也諸病見之不祥大凡瘡腫之病脉促結者  
難治而况見代脉乎

動脉之診見於關上無頭尾如豆大厥然而動搖者是也脉  
經曰陰陽相搏故謂之動動於陽則陽氣虛而發厥動於陰

則陰氣虛而發熱是陽生於尺而動於寸陰生於寸而動於  
尺不可不辨也

脉相類二十四首 見醫經小學

浮與花相類

脉浮猶如水漂木表有餘芍裏不足浮而無力則為花傍實中  
空應淖飭

浮與洪相類

洪脉蕩蕩浮泛泛力薄為浮厚者洪浮洪二象由來異迷於專  
言易拙王

弦與緊相類

弦似張 緊似經經方體駛十分精緊言其力弦言象識見超  
然付老成

滑與數相類

滑脈往來極流利指下如珠圓替替數則專言至數加分明滑數非同類

革與實相類 革為牢

實大而長指下全按如鼓革最牢堅較之實脈不應別隱指仍強幅幅然

沉與伏相類

舉無按有脈名沉伏極其沉深復深沉伏要知真脈象淺深深淺細辨尋

微與濇相類

小之又小流微脈短細遲難是為濇良工診候倘逢之細密精詳為消息

軟與弱相類 軟為濡

軟脈優柔其力薄極軟如無則為弱莫教軟弱一般論一味差一切錯

緩與遲相類

脈遲一息來三至緩比之遲仍小駛遲為病冷緩為和緩大處風之病起

軟與遲相類

力柔為軟本非遲軟與形合細推之軟則但將其力取遲來三息又何疑

弦與長相類

出三關者是為長弦則非然但滿張弦脈與長爭較遠良工尺長自能量

洪與虛相類

脈洪真似湯波濤細細而來氣勢高虛脈廓然微跳蕩有詳介  
在在絲毫

洪與實相類

脈變於洪力不輕其中微曲似鈎形只緣舉按皆強盛實脈於  
焉別立名

滑與動相類

脈展動搖如豆大脈名為動幾曾停圓圓轉轉低名滑脈脈誰  
知有經脈

浮與虛相類

表病脈浮輕手得所以為虛為無力毫髮差殊便不同工意之  
人能自識

虛與弱相類

脈來無力號為虛外象豁然中則枯弱比虛來虛更甚按之  
有亦如無

微與細相類

微似絲忽細似線細大於微殊易辨應之指下得之心心內了  
然皆洞見

微與弱相類

依依細細為微脈弱則虛之而又虛弱是體虛微細小細尋真  
象莫模糊

遲與濇相類

三五不調名曰濇如雨沾沙短且難遲惟一息二三至非短非  
難力但寬

短與瀆相類

短於本部為不及短服遲難為瀆脉休將短瀆一般看短自時

長滑時瀆

散與大相類

散為浮大為瀆之別名也

脉形渙漫名為散有表那堪裏却無大則其中還翕翕好將二

脉較錙銖

結與代相類

緩而時止復來者便可將為結脉乎止不復來方是代結生代

死必殊途

促與代相類

脉來既數復中止便呼為促真狐疑陰虛而然非能代須知止

脉易差池

伏與絕相類

伏則全無絕則然過饒厥逆命難全按之隱隱其形伏不覺關

通病便痊

恡脉一首

見醫經小學

雀啄連來三五啄屋漏半日一點落彈石硬來尋即散搭指散

亂真解索魚翔似有一似無蝦遊靜中跳一躍寄與醫家仔細

看六脉一見休餌藥

妊娠服藥

見醫經小學

旣斑水蛭及蜚虫烏頭附子配天雄野葛水銀并巴豆牛膝薏

苡與蜈蚣三稜代赭荒花麝大戟蛇蛻黃雌雄牙硝芒硝牡丹

桂槐花牽牛皂角同半夏南星與通草瞿麥乾薑桃仁通兩砂

乾漆蟹甲瓜地膽茅根莫用好



引經藥報使

小腸膀胱屬太陽藁本羌活是本鄉三焦膽與肝包絡少陽厥陰柴胡強大腸陽明并足胃葛根白芷升麻當大陰肺脉中焦起白芷升麻葱白鄉脾經少與肺部異升麻兼之白芍詳少陰心經獨活主腎經獨活加桂良通經用此藥為使豈有何病到

十八反 見醫經小學

本草名言十八反半萆貝欵芩攻烏謂半萆與貝母相攻藻戟

遂荒俱戟草海藻大戟荒花甘遂俱與甘草相反諸參辛芍藜蘆諸參人參沙

芍藥俱與藜蘆相反凡湯藥丸散中不可合用也欲令反而吐者不思

用藥法象一首 見醫經小學

天有陰陽彰六氣風寒暑濕燥火溫熱涼寒總於四溫熱者天之陽涼

地有陰陽化五行金木水火土生長收藏五味成辛甘為地

鹹為地 輕清成象親乎上味薄者本乎天親上重濁成形本乎地味厚者本乎地

親下 辛甘發散氣為陽酸苦涌泄陰為味輕清重濁之分清之清

者發腠理陽中之陽厚之氣附于氣之厚者乃陽清之濁者實

四肢陽中之陰薄氣使茯苓淡為在天之陽也陽當上行何為

陰所以茯苓利水而下利水而洩下經云氣之薄者乃陽中之

下亦不離乎陽之體故入手太陰濁之濁者走五臟陰中之陰

乃厚味大黃味之厚者乃陰濁之清者歸六腑陰中之陽薄味

爾麻黃苦為在地之陰也陰當下行何為發汗而升上亦不離乎陰之

體故入辛散酸收淡滲泄鹹軟苦泄甘緩結各有所能或散或

或更四時五臟病各橫行直達要消詳五味之能須悉別藥有

達者若酸若之類直身半上病藥取根身腰已下稍宜用根升稍

降合天真述類象形堪妙應炮炙製度劑所宜熱降生升毒瀆

製藥有火炮湯炮煨炒者皆製其毒也用酒蒸焙蜜炒皆欲上

製騰也酒浸洗醋浸薑製酥炙皆欲行經云血如去皮去心取

藥氏醫法 卷之一

核去蘆節枯朽之類藥味專精大得能新陳粗細擇須備薄則皆不可違其製法也湯散丸方分兩銖湯者湯也去新久病皆能之勿用腐朽之類散者散也去急病用之丸者舒後而治之也古者方劑分兩與今不同如咬咀者到若麻豆大是也云一升者今之一大蓋也云銖者六銖乃一分即二錢半云三兩者今之一兩君臣佐使從其制藥有法及有期病在上不厭煩而少在下病則煩而多病在上飢飽食而在旦病在夜升降浮沉補瀉之如肝膽之病以辛味補也重輕氣味施當審勿伐天和歲氣時必先歲氣勿伐天和

十二經脈循歷并

見醫經小學

手大陰肺中焦生下絡大腸出資門上膈屬肺從肺系系橫出腋肱中行肘臂寸口上魚際大指內側爪甲根支給還從腕後出接次指屬陽明經此經多氣而少血是動則病喘與欬肺脹膨膨缺盆痛兩手交脅為臂厥所在病者為氣嗽喘渴

頰心胸滿結臑臂之內前廉痛小便頻數掌中熱氣虛肩背痛而寒氣盛亦疼風汗出欠伸少氣不足息遺失無度溺別陽明之脈手大腸次指內側起商陽循指上連出合谷兩筋岐骨循臂肋入肘外廉循臑外肩端前廉柱骨傍從肩下入缺盆內絡肺下膈屬大腸支從缺盆直上頸斜貫頰前下齒當環出入中交左右上俠鼻孔注迎香此經氣盛血亦盛是動頸腫并齒痛所生病者為鼻衄目黃口乾喉痺生大指次指頸為用肩前臑外痛相仍胃足陽明交鼻起下循鼻外上入齒還出俠口繞承漿頤後人迎頰車耳前髮際至額顛支下人迎缺盆底下膈入胃絡脾宮直者缺盆下乳內一支幽門循腹裏下行直合氣冲中逐由髀關抵膝膕斷中指內關同一支下膝注三里前出

中指外間通一亥別走足附指大指之端經蓋已此經多氣復多血是動欠伸面顏黑瘦痿寒畏見人忽聞木音心震惛登高而歌棄衣走甚則腹脹仍責響凡此諸疾皆肝厥所生病者為狂瘧濕溫汗出鼻流血口啞唇唇又喉痺膝臍疼痛腹脹結氣膈伏鬼斷外廉足附中指俱痛微有餘消敷溺色黃不足身前寒振慄胃房脹滿食不消氣盛身前皆有熱大陰脾起足大指上循內側白肉際核骨之後內踝前上臑循臂經臑裏股內前廉入腹中屬脾絡胃與膈通俠喉連舌散舌下支絡從胃注心宮此經氣盛而血衰是動其病氣所為食入即吐胃腕痛更兼身體痛難移腹脹善噎舌本強得後與氣快然衰所生病者古亦痛體重不食亦如之煩心心下仍急痛泄水瀉瘕寒瘧隨不卧強立股膝腫疽發身黃<sub>大指</sub>

手少陰脉起心中下膈直與小腸通支者還從心走直上咽喉繫目腫直者上肺出腋下臑後肘內少海從臂內後廉抵掌後兌骨之端注少冲多氣少血屬此經是動心脾痛難任渴欲飲水咽乾燥所生脇痛目如金脇臂之內後廉痛掌中有熱向經尋

手太陽經小腸脉小指之端起少澤循手外側出踝中循臂骨出肘內側上循臑外出後廉直過肩解繞肩甲交肩下入缺盆內向腋絡心循咽嗑下膈抵胃屬小腸一支缺盆貫頸頰至目兌眦却入耳復從耳前仍上抵鼻升至目內眦斜絡於顙別絡接此經少氣還多血是動則病痛咽嗑頰下腫方不可顧肩如拔兮臑似折所生病主肩臑痛耳聾目黃腫腮頰肘臂之外後廉痛部分猶當細分別

足經太陽膀胱脉目內眥上起額尖支者巔上至耳角直者從巔腦後懸絡腦還出別下項仍循肩膊俠脊邊抵腰脊腎膀胱內一支下與後陰連貫腎斜入委中穴一支膊內左右別貫脾俠脊過髀樞臂內後廉臑中合下貫端內外踝後京骨之下指外側是經血多氣猶少是動頭疼不可當項如拔分腰似折髀強痛徹脊中央臑如結分臑如裂是為踝厥筋乃傷所生瘡疔小指瘰癧顛頂痛目色黃腰尻腦脚疼連背淚流鼻衄及顛狂

足經腎脉屬少陰小指斜趣湧泉心然骨之下內踝後別入跟中臑內侵出臑內廉上股內貫脊屬腎膀胱臨直者屬腎貫肝膈入肺循喉舌本尋支者從肺絡心內仍至胸中部分深是經多氣而少血是動病飢不欲食喘嗽唾血喉中鳴坐而

欲起面如垢目視眈眈氣不足心懸如飢常惕惕所生病者為舌乾口熱咽痛氣貫通股內後廉并脊疼心腸煩痛疽而瘰癧厥嗜卧體怠墮足下熱痛皆腎厥

手厥陰心主起胸屬包下漏三焦宮支者循胸出脇下脇下連腋三寸同仍上抵腋循臑內太陰少陰兩經中指透中衝支者別少指次指絡相通是經少氣原多血是動則病手心熱肘臂攣急腋腫甚則胸脇支滿結心中澹澹或大動善笑目黃面赤色所生之者為煩心心痛掌中熱之病

手經少陽三焦脉起自小指次指端兩指岐骨手腕表上出臂外兩骨間肘後臑外循肩少陽之後交別傳下入缺盆臑中分散絡心膈膈裏穿支者臑中缺盆上上項耳後耳角旋屈下至頤仍注頰一支出耳入耳前却從上關交曲頰至目

內背乃蓋焉是經少血還多氣是動耳鳴喉腫痺所生病者  
汗自出耳後痛兼目銳眦肩膊肘臂外皆疼小指次指亦如  
足脉少陽膽之經始從兩目銳眦生抵頭循角下耳後腦空風  
池次第行手少陽前至肩上交少陽右上缺盆支者耳後貫  
耳內出走耳前銳眦循一交銳眦大迎下合手少陽抵項根  
下加頰車缺盆入胸貫膈絡肝經屬膽仍從脇裏過下人  
氣衝毛際紫橫入髀厭環跳內直者缺盆下腋膺過季脇下  
髀厭內出膝外廉是陽陵外輔絕骨踝前過足跗小指次指  
分一支別從大指去三毛之際接肝經此經多氣乃少血是  
動口苦善太息心脇疼痛難轉移面塵足熱體無澤所生頭  
痛連銳眦缺盆腫痛併兩腋馬刀挾嬰生兩旁汗出振寒瘰  
瘵疾胸脇髀膝至髻骨絕骨踝痛及諸節

厥陰足脉肝所生大指之端毛際叢足跗上廉太衝分踝前一  
寸入中封上踝交出大陰後循臑內廉陰腋充璫繞陰器抵  
少腹俠胃屬肝絡膽逢上貫膈裏布脇肋俠喉頰頰目繫同  
脉上顛會督脉出支者還生目系中下絡頰裏環唇內支者  
便從膈肺起此經血多氣少焉是動腰疼俛仰難男疝女人  
少腹腫面塵脫色及咽乾所生病者爲胸滿嘔吐洞泄小便  
難或時遺溺并狐疝臨證還須仔細看

汗之則瘡已 見衛生寶鑑

丁巳委子從軍趨往冬於曹州界以事至州有趙同知謂予曰  
家舅午經歷病頭目赤腫耳前後尤甚疼痛不可忍發熱惡寒  
牙關緊急涕唾稠粘飲食難下不得安卧一瘍醫於腫上砭刺  
四五百餘鍼腫亦不減其痛益甚不知所由然願請君一見予

幸氏醫安 十斗公去卷之一 世 盈士

遂往診視其脉浮緊按之洪緩此證乃寒覆皮毛鬱遏經絡熱不得升聚而亦腫經云天寒則地凍水冰人氣在身中皮膚緻密腠理閉汗不出血氣強肉堅滯當是之時善行水者不能往水善穿地者不能鑿凍善用鐵者亦不得取四厥必待天溫冰釋凍解而後水可行地可穿人脉亦猶是也又云冬月閉藏用藥多而少鍼石也宜以苦溫之劑溫經散寒則已所謂寒緻腠理以苦發之以辛散之宜以托裏溫經湯麻黃苦溫發之者也故以爲君防風辛溫散之者也升麻苦辛葛根甘平解肌出汗專治陽明經中之邪故以爲臣血流而不行者則痛以香白芷辛溫當歸身辛溫以和血散滯濕熱則腫蒼朮辛甘溫體輕浮力雄壯能泄膚腠間濕熱人參甘草甘溫白芍藥酸微寒調中益氣使托其裏故以爲佐依方餌之以薄衣覆其首以厚被覆其身卧於暖處使經血溫腠理開寒乃散陽氣升大汗出後腫減八九分再服去麻黃防風加連翹黍粘子腫痛悉去經言汗之則瘡已信哉斯言或以仲景言瘡家雖身痛不可發汗其理何也予曰此說乃營氣不從逆於肉理而生瘡腫作身疼痛非外感寒邪而作疼痛故戒之以不可發汗汗之則成瘡也又問仲景言鼻衄者不可發汗復言脉浮緊者當以麻黃湯發之衄血自止所說不同其故何也願聞其說予曰此議論血正與瘡家槩同且夫人身血之與汗異名而同類奪汗者無血奪血者無汗今衄血妄行爲熱所逼更發其汗反助邪熱重竭津液必變凶證故不可汗若浮脉則爲在表脉緊則爲寒寒邪鬱遏陽不得伸熱伏榮中迫血妄行上出於鼻則當麻黃湯散其寒邪使陽氣得舒其衄自止又何疑焉或者嘆曰知其要者一言

而終不知其要流散無窮潔古之學可謂知其要者矣

托裏溫經湯 治寒覆皮毛鬱遏經絡不得伸越熱伏榮中聚

而為赤腫痛不可忍惡寒發熱或相引肢體疼痛

人參去芦 蒼朮各一錢 白芍藥 甘草各一錢

白芷 當歸身 麻黃去根節 防風去芦

葛根各三錢 新升麻四錢 右咬咀每服一兩用水三盞先煎麻黃令沸去沫再下餘藥

同煎至一盞去粗大溫服訖卧於暖處以綿衣覆之得汗而

散

凡治病必察其下見衛生寶鑑

戊午冬予從軍住冬於成武縣有賈倉使父年踰六旬冬至後數日疽發於背五七日腫勢約七寸許不任其痛瘍醫曰視之

膿已成可開發矣彼懼不從越三日醫曰不開恐變證生矣遂以燔鍼開之膿泄痛減以開遲之故迨二日變證果生覺重如負石熱如炳火痛楚倍常六脉沉數按之有力此膏梁積熱之變也邪氣酷熱固宜以寒藥治之時月嚴凝復有用寒遠寒之戒乃思內經云有假者反之雖違其時以從其證可也與瘍醫議急作清涼飲子加黃連秤一兩五錢作一服服之利下兩行痛減七分翌日復進前藥其證悉除後月餘平復又陳錄判母年七十有餘亦冬至後腦出疽形可甌面大命瘍醫診視侯瘡熟以針出膿因怒答侍女瘡輒內陷凹一韭菜許面色青黃不澤四肢逆冷汗出身清時復嘔吐脉極沉細而遲蓋緣衰老之年嚴寒之時病中苦楚飲食淡薄已滌胞膿之氣獨存瘦瘁之形加之暴怒精神愈損故有此寒變也病與時同與瘍醫議速

幸氏醫案 小斗心法卷之一 十四 盈古

製五香湯一劑加丁香附子各五錢劑盡瘍復大發隨證調治而愈內經曰凡治病必察其下謂察時下之宜也諸痛瘡瘍皆屬心火言其常也如瘡盛形羸邪高痛下始熱終寒此反常也固當察時下之宜而權治故曰經者常也法者用也醫者意也隨所宜而治之可收十全之功矣

捨時從證 見衛生寶鑑

至元壬午五月二十八日王伯祿年踰五旬有七右臂膊腫盛上至肩下至手指色變皮膚涼六脉沉細而微此乃脉證俱寒予舉瘍醫孫彥和視之曰此乃附骨癰開發已遲以燔鍼啓之膿清稀解次日肘下再開之加吃逆不絕彥和與丁香柿蒂散兩腿稍緩次日吃逆尤甚自利臍腹冷痛腹滿飲食減少時發昏憤於左乳下黑盡處灸二七壯又處托裏溫中湯用乾薑附

子木香沉香茴香羌活等藥改咀一兩半欲與服或者曰諸瘡痒瘡瘍皆屬心火又當盛暑之時用乾薑附子可乎予應之曰理所當然不得不然內經曰脉細皮寒瀉利前後飲食不入此謂五虛况吃逆者胃中虛寒故也諸痛痒瘡瘍皆屬心火是言其定理也此證內外相反須當捨時從證也非大方辛熱之劑急治之則不能愈也遂投之諸證悉去飲食倍進瘡勢溫膿色正彥和復用五香湯數服後用餘平復噫守常者衆人之見知變者知者之事知常而不知變細事因而取敗者亦多矣况醫乎哉守常知變豈可同日而語哉

托裏溫中湯 治瘡爲寒變而內陷者膿出清解皮膚涼心下痞滿腸鳴切痛大便微澹食則嘔逆氣短促吃逆不絕不得安卧時發昏憤



沉香

丁香

益智仁

茴香

陳皮各一錢

木香半錢

甘草二錢

羌活

乾薑炮三錢

黑附子炮去皮臍四錢

右咬咀作一服水三盞生薑五片煎至一盞去粗服無時忌一切冷物

內經云寒淫於內治以辛熱佐以苦溫故以附子乾姜大辛熱溫中外發陽氣自裏之表故以為君羌活味苦辛溫透關節炙甘草甘溫補脾胃行經絡通血脈胃寒則嘔吐吃逆不下食益智仁丁香沉香大辛熱以散寒為佐痞氣內攻氣聚而為滿木香茴香陳皮苦辛溫治痞散滿為使也

論診候肺疽肺痿法

見外科精義

夫肺者五臟之華蓋也處於胸中主於氣候於皮毛勞傷血氣

腠理虛而風邪乘之內感於肺也則汗出惡風咳嗽短氣鼻項強胸脇脹滿久久不瘥已成肺痿也風中於衛呼氣不入熱至於榮則吸而不出所以風傷皮毛熱傷血脈風熱相搏氣血稽留蘊結於肺變成瘡疽診其脉候寸口脉數而虛者肺痿也數而實者肺疽也肺痿之候久嗽不已汗出過度重亡津液便如爛瓜下如豕脂小便數而不渴渴者自愈欲飲者將瘥此由肺多唾涎沫而無膿者肺痿也其肺瘡之候口乾喘滿咽燥而渴甚則四肢微腫咳唾膿血或腥臭濁沫胸中隱隱微痛者肺疽也又聖惠曰中府隱隱而微痛者肺疽也上肉微起者肺瘡也中府者穴也在雲門下一寸六分乳肋間動脉應手陷中也是以候始萌則可救膿成則多死若欲知有膿者但診其脉若微緊而數者未有膿也緊甚而數者已有膿也又內經曰血熱

則肉敗榮衛不行必將為膿大凡肺瘡當咳嗽短氣胸滿時唾膿血久久如梗米粥者難治若嘔膿而不止者亦不可治也其嘔膿而自止者自愈其脉短而濇者自痊浮大者難治其面色當白而反面赤者此火之尅金皆不可治

辨瘡疽善惡法

見外科精義

夫瘡疽證候善惡逆從不可不辨從來醫瘡槩舉五善七惡殊不知此特謂腸胃之內臟腑瘡疽所論之證也發背腦疽別有善惡之證載之於後蓋七惡者煩燥時嗽腹痛渴甚或泄痢無度或小便如淋者一惡也膿血既洩腫焮尤甚膿色敗臭痛不可近二惡也目視不正黑睛緊小白睛青赤瞳子上看三惡也喘麤短氣恍惚嗜臥四惡也肩背不便四肢沉重五惡也不能下食服藥而嘔食不知味六惡也聲嘶色敗唇鼻青赤面目四

肢浮腫者七惡也動息自寧飲食知味一善也便利調勻二善也膿潰腫消水鮮不臭三善也神彩精明語聲清亮四善也體氣平和五善也病有證合七惡皮急緊而如善者病有證合五善而皮緩虛如惡者夫如是者豈淺識之所知哉只知五善并至則善無以加矣七惡并至則惡之極矣愚意裁之凡患瘡疽之時五善之中乍見一二善證瘡可治也七惡之內忽見一二惡證宜深懼之大抵證候瘡疽之發虛中見惡證者不可救也實證無惡候者自愈大凡膿潰之後而煩疼尚未痊者診其脉洪滑麤散者難痊微濇遲緩者易痊此善惡之證於診脉之中亦可知也發背腦疽及諸惡瘡別有五逆之證者白睛青黑而眼小服藥而嘔傷痛渴甚臍項中不便音嘶色敗者是為五逆其餘熱渴痢嘔蓋毒氣入裏臟腑之傷也當隨證以治之

追蝕瘡疽腫法 見外科精義

夫瘡瘍生於外皆由積熱蘊於內內經謂血熱肉敗榮衛不行必將為膿留於節腠必將為敗蓋瘡疽膿潰爛之時頭小未破瘡口未開或毒氣未出疼痛難任者所以立追蝕膿之方法使毒氣外泄而不內攻惡肉易去好肉易生也若其瘡紐其血出不止者則未可紐於瘡上慘追蝕之藥待其熱可紐方紐若其瘡紐之痛應心根者亦不可以強紐之悞觸其瘡其熾痛必倍變證不無不可不慎也若瘡癰膿成未破於上薄皮剝起者即當用破頭代鍼之劑安其上以膏貼之膿出之後用搜膿化毒之藥取效如神矣若膿血未盡便用生肌斂瘡之劑務其早愈殊不知惡肉未盡其瘡早合後必再發不可不慎也

止痛法 見外科精義

夫瘡疽之證候不同寒熱虛實皆能為痛止痛之法殊非一端世人皆謂乳沒珍貴之藥可住疼痛殊不知臨病製宜自有方法蓋熱毒之痛者以寒涼之劑折其熱則痛自止也寒邪之痛以溫熱之藥熨其寒則痛自除也因風而有痛者除其風因濕而痛者導其濕燥而痛者潤之塞而痛者通之虛而痛者補之實而痛者瀉之因膿鬱而閉者開之惡肉侵潰者引之陰陽不和者調之經絡秘澁者利之臨機應變方為上醫不可執方而無權也

用藥增損法 見外科精義

古人用藥因病制宜治不執方隨病增損療積聚補益可用丸藥以從舊不改方增損蓋瘡疽危急之際證候多種安有執方之論固可臨時加減以從其法只如發背腦疽惡丁腫膿潰前

後虛而頭痛者於托裏藥內加五味子恍惚不寧加人參茯苓  
虛而發熱者加地黃瓜蒌根往來寒熱者并潮熱者加柴胡地  
骨皮渴不止者加知母赤小豆大便不通者加大黃芒硝小便  
不通者加木通燈草虛煩者加枸杞子天門冬自利者加厚朴  
四肢厥逆者加附子生薑嘔逆者加丁香藿香多痰者加半夏  
并陳皮農多者加當歸川芎痛甚者加芍藥乳香肌肉溼生者  
加白斂官桂有風邪者加獨活防風心驚怯者加丹砂口目瞤  
動者加羌活細辛愚雖不才自幼及老凡治瘡疽常依此法加  
減用藥取效如神後之學者宜詳細焉

療瘡腫權變通類法

見外科精義

夫瘡疽之病治療多方總而論之各有所宜補瀉淋瀝及敷掃  
貼灼鍼鍊灸烙用之不同蓋知其道也舉治必效昧於理者利

言不無嘗見以寒療熱以熱療寒古今之通論也又有檢方瘡  
病妄製加減以意裁之自以為可殊不知病有逆從治有緩急  
法有正權方有奇偶用有輕重夫醫者意也得其意然後能變  
通也達其變通者悟其道而省其理也則左右逢其原矣愚雖  
不才略陳萬一嘗見治寒以熱而寒彌甚治熱以寒而熱彌熾  
者何也蓋不知五臟有陰陽之性其可因其類而取之也假如  
心實生熱者當益其腎腎水滋熱將自除腎水虛生寒當補心  
心火既降寒將自除此所謂寒之而熱者取之陰熱之而寒者  
取之陽也又寒因熱用熱因寒用要在通其理類而已又聞微  
者逆之甚者從之何謂也蓋治寒以熱必涼而行之治熱以寒  
必溫而行之此亦欲其調和也其間有正有權者何也蓋病有  
微有甚微者逆治理之正也甚者從治理之權也然為瘡科於

補瀉汗下標本逆從正權之理烏可闕而不知也大凡治療瘡  
疽之要法曰初覺熱毒發熱鬱結而作瘡疽一二日宜先服五  
利湯蕩滌邪氣疎通臟腑令內消也古今湯法謂切剉咀咀如  
麻豆大以猛火急煎無令過熟欲其速和也次有丸散宜導血  
脈漸次消磨令緩散也助以淋瀝調和榮衛行經絡也更當膏  
潤溫養兼磨傳四畔貼灼之藥順其陰陽也追蝕托裏汗下調  
補臨時製宜淺深緩急自有等差男女貴賤亦當別論晉尚書  
澄曰寡婦尼僧異於妻妾雖無房室之勞而有憂思之苦此  
深憂其情者也又仲景云物性剛柔餐居亦異治亦不同也所  
以黃帝與四方之問岐伯舉四治之能况病之新舊形志樂苦  
豈可執方無權以求其愈疾哉亦有瘡疽腫痛初生一二日便  
覺脈沉細而煩悶臏腑弱而皮寒邪毒益暴恍惚不寧外證深

沉者亦宜即當用托裏散或增損茯苓湯及溫熱之劑以從之

論時毒 見外科精義

夫時毒者為四時邪毒之氣而感之於人也其候發於鼻目耳  
項咽喉赤腫無頭或結核有根令人增寒發熱頭痛肢體痛甚  
者恍惚不寧咽喉閉塞人不識者將謂傷寒便服解藥一二日  
腫氣增益方悟始為瘡醫原夫此疾古無方論世俗通為丹瘤  
病家惡言時毒切恐傳染考之於經曰人身忽經變赤狀如塗  
丹謂之丹毒此風熱惡毒所為謂之丹瘤與夫時毒特不同耳  
蓋時毒者感四時不正之氣初發狀如傷寒五七日之間乃能  
殺人治者宜精辨之先診其脈滑數浮洪沉緊弦濇皆其候也  
蓋浮數者邪氣在表也沉濇者邪氣深也認是時毒氣實之人  
急服化毒丹以攻之熱實以不利大黃湯下之其有表證者解

急服化毒丹以攻之熱實以不利大黃湯下之其有表證者解

毒升麻湯以發之或年高氣輟者五香連翹湯主之又於鼻內  
通氣散取十餘嚏作效若喘藥不嚏者不可治之如嚏出膿  
血者治之必愈如左右看病之人日用喘藥嚏之必不傳染  
切須忌之其病人每日用嚏藥三五次以泄熱毒此治時毒之  
良法也經三四日不解者不可大下猶宜和解之服犀角散連  
翹散之類至七八日大小便通利頭面腫起高赤者可服托裏  
散黃耆散宜針鑱破割出血泄其毒氣十日外不治自愈也此  
病若五日已前精神昏亂咽喉閉塞語聲不出頭面不腫食不  
知味者必死之候治之無功矣然而此疾有陰有陽有可汗有  
不可下嘗見麤工但云熱毒只有寒藥殊不知病有微甚治有逆  
從不可不審矣

外科心法卷之一

外科心法卷之二

薛氏醫按

吳郡薛 巳著

新都吳玄有校

辨瘡腫淺深法 見外科精義

夫瘡候多端欲辨淺深直須得法若不素知方論而妄生穿鑿  
者如大匠捨其繩墨以意度量安能中於規矩哉嘗聞古人有  
言曰多則惑少則得簡而論之則瘡疽聚舉有三腫高而顛者  
發於血脉腫下而堅者發於筋骨肉皮色不相辨者發於骨髓  
又曰凡療瘡疽以手按搖瘡腫根牢而大者深也根小而浮者  
淺也又驗其人初生瘡之時便覺壯熱惡寒拘急頭痛精神不  
寧煩燥飲冷者其患瘡疽必深也若人雖患瘡疽起居平和飲  
食如故其瘡浮淺也惡瘡初生其頭如米粟微似有痛痒誤

破之即焮展覺有深意速服犀角湯及漏蘆湯通氣等藥取通利疎暢兼用浴毒湯湯漬之類若浮淺者紙貼膏求差以此推之淺深之辨始終之次者也

辨膿法

見外科精義

夫瘡腫之疾毒氣已結者不可論內消之法即當辨膿生熟淺深不可妄開視其可否不至於危殆矣凡瘡疽腫大按之乃痛者腫深也小按之便痛者膿淺也按之不甚痛者膿未成也若按之即復起者有膿也不復起者無膿也非膿必是水也若發腫都輒而不痛者血瘤也發腫日漸增長而不大熱時時牽痛者氣瘤也氣結微腫久而不消後亦成膿此是寒熱所爲也留積經久極陰生陽寒化爲熱以此潰必多成膿宜早服內寒散以排之諸癰瘤疔贅等至年衰皆自內潰若於年壯可無後憂

也又凡瘡癰疽以手掩其上大熱者膿成自輒也若其上薄皮剝起者膿淺也其腫不甚熱者膿未成也若患瘰癧結核寒熱發渴經久不消者其人面色痿黃被熱上蒸已成膿也至於臍腑腸胃內瘡內疽其疾隱而不見目既不見手不能近所爲至難可以診其脈而辨之亦可知矣有患胃腕癰者當候胃脈人迎者胃脈也其脈沉細者氣迎則甚甚則熱聚胃口而不行胃腕而爲癰也若其脈洪數者膿已成也設脈遲緊雖膿未就已

有瘀血也宜急治之不爾則邪毒內攻腐爛腸胃不可救也又肺癰論曰始萌則可救膿成即死不可不慎也久久咳膿如粳米粥者不治嘔膿而止者自愈也又腸癰論曰或透臍生瘡膿從瘡出者有出臍中者惟大便下膿血者自愈也

托裏法

見外科精義

夫瘡疽丹腫結核癰癰初覺有之即用內消之法經久不除氣血漸衰肌寒肉冷膿汁清稀毒氣不出瘡口不合聚腫不赤結核無膿外證不明者並宜托裏膿未成者使膿早成膿已潰者使新肉早生血氣虛者托裏補之陰陽不和托裏調之大抵托裏之法使瘡無變壞之證凡為瘡醫不可一日無托裏之藥然而寒熱溫涼煩渴利嘔臨證宜審其緩急耳

論癰疽

見外科精義

夫瘡腫之患莫大乎癰疽然而癰疽何以別之經所謂榮衛稽留於經脈之中則潛不行血脈不行則陽氣鬱遏而不通故生大熱熱毒之氣騰出於外蓄結為癰久而不散熱氣乘之腐化為膿然而骨髓不焦枯腑臟不傷敗可治而愈也何為疽五臟風毒積熱毒熱熾甚下陷肌膚骨髓皆枯血氣固竭其腫色大

聖如牛領之皮故命曰疽癰者其腫皮薄以澤此其候也癰疽之生有內有外內生胸腹臟腑之中外生膚肉筋骨之表凡此二毒發無定處而有常名夫鬱滯之本始於喜怒憂樂不時飲食居處不節或金石草藥之發動寒暑燥濕之不調使陰陽之不平而蘊結於外使榮衛凝滯而腐潰輕者起於六腑浮達而為癰氣行經絡而浮也重者發於五臟沉瀝而為疽氣行經絡而沉也明乎二者腫毒丹疹可以類推矣

論疔瘡腫

見外科精義

夫疔瘡者以其瘡形如丁蓋之狀者是也古方論之凡有十種華元化載之五色丁千金方說丁者有十三種以至外臺秘要神巧萬全其論頗同然皆不離於氣客於經絡五臟內蘊毒熱初生一頭凹腫痛青黃赤黑無復定色便令煩燥悶亂或增寒



頭痛或嘔吐心逆以針刺瘡不痛無血是其候也其候本因甘肥過度不慎房酒以致邪毒蓄結遂生下瘡內經曰膏粱之變足生疔此之謂也其治之法急以艾炷灸之若不覺痛者針丁四邊皆令血出以迴瘡錠子從針孔縫之上用膏藥貼之仍服五香連翹湯漏蘆湯等劑疎下之爲效若或針之不痛無血者以猛火烧鐵針通赤於瘡上烙之令如焦炭取痛爲效亦從前錠子用膏藥貼之經一二日膿潰根出服托裏湯散依常療之以取平復如針不痛其人眼黑或見火光者不可治也此邪毒之氣入臟腑故也養生方云人汗入肉食食之則生疔瘡不可不慎也

時毒治驗

見東垣試效方

羅謙甫云泰和二年先師監濟源稅時四月民多疫癘初覺增

寒體重次傳頭面腫盛目不能開上喘咽喉不利舌乾口燥俗云大頭天行親戚不相訪問染之多不救張縣令姪亦得此病至五六日醫以承氣加藍根下之稍緩翌日其病如故下之又緩終莫能愈漸至危篤或曰李明之存心於醫可請治之遂請診視具說其由先師曰夫身半已上天之氣也身半已下地之氣也此邪熱客於心肺之間上攻頭目而爲腫盛以承氣下之瀉胃中之實熱是誅罰無過殊不知適其所至爲故遂處方用黃芩黃連味苦寒瀉心肺間熱以爲君橘紅苦平玄參苦寒生甘草甘寒瀉火補氣以爲臣連翹黍粘子薄荷葉苦辛平板藍根味苦寒馬勃白僵蠶味苦平行少陽陽明二經氣不得伸桔梗味辛溫爲舟楫不令下行共爲細末半用湯調時時服之半蜜爲丸噙化之服盡良愈因嘆曰往者不可追來者猶可及凡

他所有病者皆書方以貽之全活甚衆時人皆曰此方天人所製遂刊於石以傳永久

曰普濟消毒散

黃芩

黃連各半兩

人參三錢

橘紅

玄參

生甘草各二錢

鼠粘子

板藍根

馬勃各錢

白殭蠶炒七分

升麻二錢

柴胡二錢

桔梗二錢

右件爲細末服餌如前法或加薄荷川芎當歸身吹咀如麻豆大每服秤五錢水二鍾煎至一鍾去滓稍熱時服之食後如大便硬加酒煨大黃一錢或二錢以利之腫勢甚宜砭刺之

愚按時行疫疾雖由熱毒所染其氣實之人下之可愈

虛者藥下之鮮不危者故東垣先生製爲此方以救其患博矣

治瘡大要三法見玉機微義

病機機要云瘡瘍者火之屬須分內外以治其本若其脈沉實當先疏其內以絕其源也其脈浮大當先托裏恐邪氣入內也有內外之中者邪氣至盛過絕經絡故發癰腫此因失托裏及失疏通又失和榮衛也治瘡之大要須明托裏疏通和榮衛之三法內之外者其脈沉實發熱煩燥外無焮赤痛深於內其邪氣深矣故踈通臟腑以絕其源外之內者其脈浮數焮腫在外形證外顯恐邪氣極而內行故先托裏也內外之中者外無焮惡之氣內亦臍臙宜通知其在經當和榮衛也用此三法之後雖未差必無變證亦可使邪氣峻成而愈

論瘡瘍攻補法

見玉機微義

元戎云陷脈為癰留連肉腠營氣不從逆於肉理乃生癰腫榮逆血鬱血鬱則熱聚為膿正理論曰熱之所過則為癰腫營氣不從亦有不熱者乎答曰膏粱之變芳草之美金石之過為癰也當泄之以奪盛熱之氣若其人飲食踈精神衰氣血弱肌肉消薄營衛之氣短促而滯滯故寒薄腠理閉鬱而為癰也當補之以接虛怯之氣亦當以脈浮沉別之既得盛衰泄之則連翹大黃補之則內托之類是也

按辨瘡瘍因熱因寒及氣血鬱而成當攻補之法不同宜與前後諸篇兼看始無餘蘊矣但世俗昧此理而云是瘡不是瘡且服五香連翹湯然或中或否致悞者多蓋不審形氣虛實瘡毒淺深發表攻裏所因不同攻也今以丹溪先生精要發揮諸法之義附于後例之下庶學者一有所鑒

論瘡瘍灸法

見玉機微義

元戎云瘡瘍自外而入者不宜灸自內而出者宜灸外入者托之而不內內出者接之而令外故經云陷者灸之多而不痛痛而後止其灸灸而不痛者先及其潰所以不痛而後及良肉所以痛也多而痛不痛而後止其灸多而痛者先及其未潰所以痛而灸及將潰所以不痛也

按此亦約法因以東垣等法附于左宜參用之凡人初覺發背欲結未結赤熱腫痛先以濕紙覆其上立視候之其紙先乾處即是結癰頭也取大蒜切成片如二三錢厚薄安於頭上用大艾炷灸之三壯即換一蒜片痛者灸至不痛不痛灸

至痛時方住最要早覺早灸爲上二日三日十多十活三日  
四日六七活五六日三四活過七日則不可灸矣若有十數  
頭作一處生者卽用大蒜研成膏作薄餅鋪頭上聚艾於蒜  
餅上燒之亦能活也若背上初發赤腫一片中間有一片黃  
粟米頭子便用獨蒜切去兩頭取中間半寸厚薄正安於瘡  
上著艾灸十四壯多至四十九壯

按謂癰疽所發宜灸之也然諸瘡患久成漏者常有膿水不  
絕其膿不臭肉無反肉尤宜用附子浸透切作太片厚三二  
分於瘡上著艾灸之仍服內托之藥隔三二日再灸之不五  
七次自然肌肉長滿矣至有膿水惡物漸潰根深者郭氏治  
用白麩硫黃大蒜三物一處搗爛看瘡大小捻作餅子厚約  
三分於瘡上用艾炷灸二十一壯一灸一易後隔四五日方

用翠霞錠子并信效錠子互相用之維人瘡內反肉盡去  
肉長平然後貼收斂之藥內服應病之劑調理卽瘡矣蓋不  
止宜灸於瘡之始發也大抵始發宜灸要汗下補養之藥對  
證至灸冷瘡亦須內托之藥切當設有反逆不唯不愈恐致  
轉生他病

瘡分三因

見玉機微義

陳無擇云發背癰疽者該三因而有之論曰癰疽瘰癧不問虛  
實寒熱皆由氣鬱而成經亦云氣宿於經絡與血俱澁而不  
行壅結爲癰疽不言熱之所作而後成癰者此乃內因喜怒  
憂思有所鬱而成也身有熱被風冷搏之血脈凝泣不行熱  
氣壅結而成亦有陰虛陽氣湊襲寒化爲熱熱成則肉腐爲  
膿者此亦外因寒熱風濕所傷而成也又服丹石及炙燻酒

麤溫床厚被所致又盡力房室精虛氣節所致者此乃因不  
內外所傷而成也故知三因備也

按所分三因雖備但未具瘡瘍之邪在經在表在裏之異故  
其治法亦不能詳備也

論陰滯於陽則生癰陽滯於陰則生疽見玉機微義

丹溪曰精要云陽滯於陰脈浮洪弦數陰滯於陽脈沉細弱瀆  
陽滯以寒治之陰滯以熱治之切詳其意陽滯陰滯當作熱  
治寒治求之寒熱固可作陰陽論於陰於陽分明是於氣於  
血他無可言也熱滯於氣固無寒滯耶寒滯於血固無熱滯  
耶何寒不能傷氣熱不能傷血耶以予觀之氣為陽行脈外  
血為陰行脈內相並分派周流循環一身無停止謂之脈一  
呼脈行三寸一吸脈行三寸呼吸定息共得六寸一身遍行

八十一丈得熱則行速而太過得寒則行遲而不及五味之  
厚七情之偏過氣為滯津液稠厚積而久也為飲為痰滲入  
脈內血為所亂因而凝濁運行汨泣或為沸騰此陰滯於陽  
也正血滯於氣也氣病今人或以藥助邪病上生病血之病  
日增溢出血外隧道隘塞升降有妨運化失令此陽滯於陰  
也正氣滯於血也病分寒熱者當是稟受之素偏虛邪之雜  
合豈可以陽為熱陰為寒耶浮洪弦數氣病之脈也豈可遽  
此作熱論沉細弱瀆血病之脈豈可遽此作寒論此萬病之  
根本豈止疥癬瘡瘍癰疽而已幸相評其是否

明瘡瘍之本末見玉機微義

東垣曰生氣通天論云營氣不從逆於肉理乃生癰腫又云膏  
梁之變足生大丁受如持虛陰陽應象論云地之濕氣感則

言人皮肉筋脉是言濕氣外傷則營氣不行榮衛者皆營氣之所經營也營氣者胃氣也運氣也營氣爲本本逆不行爲濕氣所壞而爲瘡瘍也膏粱之變亦是言厚滋味過度而使營氣逆行凝於經絡爲瘡瘍也此邪不在表亦不在裏惟在其經中道病也已上內經所說俱言因營氣逆而作也遍看諸瘡瘍論中多言二熱相搏熱化爲膿者有只言熱化爲膿者又言濕氣生瘡寒化爲熱而爲膿者此皆瘡疽之源也宜於所見部分用引經藥并兼見證中分陰證陽證先瀉營氣是其本本逆助火濕熱相合敗壞肌肉而爲膿血者此治之次也宜遠取諸物以比之一歲之中大熱無過夏當時諸物皆不壞爛壞爛者交秋濕令大行之際也近取諸身熱病在身止顯熱而不敗壞肌肉此理明矣標本不得邪氣不服言

一而知百者可以爲上工矣

營氣不從逆於肉理乃生瘡癰且營氣者胃氣也飲食入於胃先輸於脾而朝於肺肺朝百脉次及皮毛先行陽道下歸五臟六腑而氣口成寸矣今富貴之人不知其節以飲食肥醲之類雜以厚味日久太過其氣味俱厚之物乃陽中之陽不能走空竅先行陽道反行陰道逆於肉理則濕氣大勝則子能令母實火乃大旺熱濕旣盛必來尅腎若雜以不順又損其真水腎旣受邪積久水乏水乏則從濕熱之化而上行其瘡多出背出腦此爲大丁之最重者也若毒氣行於肺或脾胃之部分毒之次也若出於他經又其次也濕熱之毒所止處無不潰爛故經言膏粱之變足生大丁受如持虛如持虛器以受物物無不受治大丁之法必當瀉其營氣以標本言

之先受病爲本非苦寒之劑爲主爲君不能除其苦楚疼痛也諸瘡瘍有痛往往多以乳香沒藥雜以芳香之藥止之必無少減之理若使經絡流通臟腑中去其壅滯必無痛矣苦寒之劑除其疼痛藥下於咽則痛立已此神品藥也

瘡瘍食肉乃自棄也瘡瘍者乃營氣而作也今反補之而自棄何異雖用藥施治而不能愈地之濕氣自外而入內者瘡癩當先服藥而用鍼如瘡癩小不欲飲藥或嬰兒之瘡先當溫衣覆蓋令其凝泣壅滯血脉溫和則出血立已者不如此血脉凝滯便針則邪毒不瀉反傷良肉又益其瘡勢也瘡瘍及諸病面赤雖伏大熱禁不得攻裏爲陽氣拂鬱邪氣在經宜發表以去之故曰火鬱則發之雖大便數日不見宜多攻其表以發散陽氣少加潤燥之藥以潤之如見風脈風證只可

用發表風藥便可以通利得大便行也若只乾燥秘澀尤宜潤之慎不可下也瘡瘍鬱冒俗呼昏迷是也宜汗之則愈驗瘡名色治之當從素問鍼經聖濟總錄易老瘡論及諸家治瘡用藥法度此爲緊要臨病之際宜詳審焉按聖濟總錄能悉諸瘡之名色但其用藥則多主寒涼而無通變之法惟已上易老東垣等言深擷鍼經之大法陳脈病治例之要學者能熟此等議論則臨證處方便自胸中了然明白

### 論腸癰

陳無擇云癰疽初無定處隨其所發卽命名在外則爲發背發腦在內則爲腸癰內癰心癰肺癰臍癰等證得其法則生失其法則死外證易識內證難明不可不備述也腸癰爲病身甲錯腹皮急按之濡如腫狀腹無聚積身無熱脈數此爲腸

內有積久積陰冷所成也故金匱有用附子溫之小腹腫痞  
 按之痛如淋小便自調發熱身無汗復惡寒其脉遲緊者膿  
 未成可下之當有血洪數者膿已成不可下此以內結熱所  
 成也故金匱有用大黃利之甚者腹脹大轉側聞水聲或連  
 臍生瘡或膿從臍出或大便出膿血不治必死其如五內生  
 瘡亦止分利陰陽而已不比外癰須依四節八事之次第也  
 脉經引官羽林婦病醫診之其脉滑而數滑則為實數則為  
 熱滑則為榮數則為衛衛數下降榮滑上升榮衛相干血為  
 濁敗少腹痞堅小便或澀或時汗出或復惡寒膿為已成設  
 脉遲緊即為瘀血血下即愈更內經所載有息積病此見有  
 得之二三年遍身微腫續乃大腸與臍連日出膿遂致不救  
 此亦腸癰之類也不可不審

按言內癰腸癰等候語約而精脉經與此大同小異宜並  
 審可也

東垣黃連消毒散治癰疽發於腦頂或背太陽經分腫勢外散  
 熱毒燉發麻木不痛者宜先炙之或痛而發熱並宜服此

- |                       |                       |                       |                       |
|-----------------------|-----------------------|-----------------------|-----------------------|
| 黃連 <small>製</small>   | 羌活 <small>各一</small>  | 黃芩                    | 黃柏 <small>各半錢</small> |
| 生地黃                   | 知母 <small>製</small>   | 獨活                    | 防風                    |
| 當歸尾                   | 連翹 <small>各四分</small> | 梔本                    | 防已                    |
| 桔梗 <small>各半錢</small> | 黃芪                    | 蘇木                    | 陳皮                    |
| 澤瀉 <small>各二分</small> | 人參                    | 甘草 <small>各三分</small> |                       |

右咬咀水煎

按好問記云素飲酒於九月中患腦之下項之上出小瘡後  
 數日腦頂麻木腫勢外散癰齏遂處五香連翹至八日不下



而云不可速療十八日得膿後膿出用藥或砭刺三月乃可  
平四月如故予記醫經凡瘡見膿九死一生果如醫言則當  
有束手待斃之悔矣乃請明之診視且謂膏梁之變不當投  
五香五香已無及當先用火攻之策然後用藥以大艾炷如  
兩核許者攻之至百壯乃痛覺次爲處方云是足太陽膀胱  
之經其脈逆當反治脈中得弦緊按之洪大而數又且有力  
必當仗其所主而先其所因其始則同其終則異可使破積  
可使潰堅可使氣和可使必已必先歲氣無伐天和以時言  
之可收不可汗經與病禁下法當結者散之蠲以夷之然寒  
受邪而禁鹹諸苦寒爲君爲用甘寒爲佐酒熱爲因用爲使  
以辛溫和血大辛以解結爲臣三辛三甘益元氣而和血脈  
淡滲以導酒濕扶持秋令以益氣瀉火以入本經之藥和

且爲引用旣以通經爲主用君以黃芩連栢生地黃知母酒  
製之本經羌活獨活防風藁本防已當歸連翹以解結黃芩  
人參甘草配諸苦寒者三之一多則滋營氣補土也生甘草  
瀉腎之火補下焦元氣人參橘皮以補胃蘇木當歸尾去惡  
血生地黃補血酒製防已除膀胱留熱澤瀉助秋去酒之濕  
熱凡此諸藥必得桔梗爲舟楫乃不下沉投劑之後疽當不  
痛不折食進體健如言服之投床大斲日出乃寤以手捫瘡  
腫減七八至瘡痂斂都十四日而已世醫用技豈無取效者  
至於治效之外乃能歷數體中不言之秘平生所見惟明之  
一人而已

詳見東垣方

馬益卿先生癰疽論

見外科精要

論曰夫人有四肢五臟一覽一寐呼吸吐納精氣往來流而爲

榮衛暢而為氣色發而為聲音陽用其形陰用其精此人常數之所同也至其失也蒸則生熱否則生寒結而為瘤贅陷而為靡疽凝而為瘡癰憤則結癭怒則結疽又五臟不和則九數不通六腑不和則留結為癰皆經絡澁滯氣血不流腸風毒乘之而致然也

一人面白神勞脇下生一紅腫如桃或教用補劑不信乃用流氣飲十宣散血氣俱憊而死已上二證乃少陽經多氣少血之部分也

一人形瘦膚厚憂患作勞好色左腿外側廉上生一紅腫大如栗醫以大府實用承氣湯二貼下之又一醫與大黃硃砂甘草麒麟竭二貼大事去矣此證乃厥陰經多氣少血之部分也

一士人於背臀腿節次生疽用五香連翹湯十宣散而愈後脚弱懶語肌起白屑脉洪浮稍鼓予以極虛處治作參芪歸朮

膏以二陳湯化下盡藥一斤半白屑沒大半呼吸有力其家後後自作風病治之而死

一老人背發疽徑尺已與五香十宣散數十貼嘔逆不噎素有淋病急以參芪歸朮膏以牛膝湯入竹瀝飲之淋止思食藥藥四斤膿自湧出而愈

一人發背疽得內托十宣多矣見膿嘔逆發熱又用嘉禾散加丁香時天熱脉洪數有力此潰瘍尤所忌然形氣實只與參膏竹瀝飲之盡藥十五六斤竹百餘竿而安後不戒口味夏月醉坐水池中經年餘左脇旁生軟塊二年後成疽自見脉證嘔逆如前仍服參膏等而安若與十宣其能然乎

臂癰醫居小腹之後在下此陰中之陰也道遠位僻雖曰多血然氣運不到血亦罕來中年後尤恐患此纔有腫痛察之脉

證但見虛弱便與滋補氣血無虧可保終吉

癰疽因積毒在臟腑當先助胃壯氣使根本堅固而以行經活血藥為佐參以經絡時令使毒氣外發施治之早可以內消此內托之意也

癰疽發渴乃氣血兩虛用參者以補氣當歸地黃以養血或忍冬丸黃耆六一湯

附骨疽者皆因久得厚味及酒後涉水得寒故寒深入髀樞穴左右積痰瘀血相搏而成也

一女髀樞穴生附骨疽在外側廉少陽經之分始末悉用五香湯十宣散一日惡寒發熱膈滿猶大服五香湯一夕喘死此升散太過孤陽發越于上也

內疽者皆因飲食之火七情之火相鬱而發飲食陰受之七情

者臟腑受之宜其發在腔子而向內非肝腸胃盲膜也

肺癰先須發表千金方曰病咳唾膿血其脈數實或口中咳胸中隱痛脈反滑數者為肺癰其脈緊數為膿未成緊去但數膿為已成

肺癰治法要畧先以小青龍湯一貼以解表其風寒邪氣然後以葶藶大棗瀉肺湯桔梗湯葦葉湯隨證用之以取膿此治腫瘍之例也終以韋宙獨行方名黃昏湯見附方以補裏之陰氣此治潰瘍之例也

肺癰已破入風者不治或用太乙膏丸服以搜風湯吐之吐膿血如肺癰狀口臭他方不應者宜消風散入男子髮灰清米飲下雨服可除

一少婦胸膈間潰一竅膿血與口中所咳相應而出以參芪當

歸加退熱排膿等藥而愈余按此因肺痿所致

腸癰作濕熱積治入風難治

腸癰千金謂妄治必殺人其病小腹重強按則痛小便似淋時時汗出復惡寒身皮甲錯腹皮急如腫脈數者微有膿也巢氏云洪數已有膿脈若遲緊者未有膿甚者腹脹大轉側有水或遠臍生瘡或膿自臍出或大便膿血問曰羽林婦何以知腸有膿師曰脈滑而數滑則為實數則為熱滑則為榮數則為衛衛數下降榮滑上升榮衛相干血為敗濁小腹堅滿小便或澁自汗或惡寒膿為已成設脈遲緊則為瘀血血下則安

腸癰治法要畧以薏苡仁附子攻毒散千金以大黃牡丹湯三因以薏苡湯治之千金又有灸法曲兩肘正肘頭銳骨灸百

壯下膿血而安

一婦腸中痛甚大便自小便出李生診之曰乳脈見於腸部此

腸癰也以雲母膏王丹除引百十圓煎黃芪湯吞之利膿數升而安

李生曰寸乳積血在胸關乳為腸癰王氏除引

一女子腹痛百方不治脈滑數時作熱腹微急孫曰痛病脈當

沉細今滑數此腸癰也以雲母膏一兩為丸如梧桐子大以

牛皮膠溶入酒中并水吞之餉時服盡下膿血愈

乳癰用蒲公英同忍冬藤入少酒煎服即欲睡是其功也及覺

而病安矣

囊癰者濕熱下注也有作膿者此濁氣下順將流入滲道因陰道或虧水道不利而然膿盡自安不藥可也惟在善於調攝耳又有因腹腫漸流入囊腫甚而囊自裂開畢丸懸掛水出

左氏設首安

外科心法卷之二

五

盈三五

以輔炭末付之外以紫蘇包裹仰臥養之

癰疽入囊者予嘗治數人悉以濕熱入肝經施治而用補陰佐之雖膿潰皮脫畢丸懸掛皆不死

一少年玉莖挺長腫而痿皮塌常潤磨股難行兩脇氣衝上手足倦弱先以小柴胡加黃連大劑行其濕熱少加黃蘗降其逆上之氣腫漸收莖中有堅塊未消以青皮爲君少佐以散風之藥末服之以絲瓜子汁調五倍子末付愈

本草言夏枯草大治瘰癧散結氣有補養厥陰血脈之功而經不言觀其能退寒熱虛者可仗若實者以行散之藥佐之外以艾灸亦漸取效

以上見丹溪藥要

外臺秘要人之肉脾所主人之皮膚肺所管膚肉受病皆由衣服滋味衣服厚暖則表易招寒滋味過多則臟腑生熱

既寒則血脈不流而毒氣偏注湊於俞穴之所陰陽會注邪承虛伏守必煮其血血散則潰肉肉腐則成膿實則爲癰浮則爲腫若堅腎肝虛熱遂成癰矣疽則附骨癰則著筋經曰火鬱發之雖大便數日不通宜多攻表發散陽氣少加潤燥潤之如風脈風證只用發表風藥亦可通利若乾燥祕泄尤宜潤之不可下

劉守真曰瘡腫因內熱外虛風濕所乘然肺主氣皮毛脾主肌肉氣虛則膚腠開風濕所乘脾氣濕而內熱卽生瘡也腫者由寒熱毒氣客於經絡使血澁壅結成腫風邪內作者卽無頭無根氣血相搏作者有頭有根赤核腫則風氣流會瘡以痛爲實痒爲虛者非謂虛寒謂熱之微甚

仲景云數脈不時則生惡瘡注脈不時者爲數當改而復復不

微是邪氣但鬱營氣中必出自肌肉而生惡瘡

千金云諸浮數脉應當發熱而反洒淅惡寒若有痛處當發為癰癰疽膿已成十死一生故聖人弗使已成膿血者

砭石鉞鋒所取也

素問血實宜決之氣虛宜導引之地有高下氣有溫涼高者氣

寒下者氣熱故也溫熱瘡汗之則瘡已

經曰治癰腫者刺癰上視小大深淺刺冬則閉塞閉塞者用藥

多而少針石所謂少針石者非癰疽之謂也

經曰癰疽不得頃時回回者遠也言癰疽遠頃時而不寫則爛

筋骨穿臟腑矣

靈樞云癰疽不問虛實寒熱皆由氣鬱而成經云氣宿於經絡與血俱澁而不行壅結而成此因喜怒憂思也身有熱被風

冷搏之血脉凝泣不行熱氣壅結而成此外因也有陰虛陽

氣湊襲寒化為熱熱盛則肉腐為膿此寒熱風熱所傷也有

因服丹石炙焯麪濕床被厚者有因盡力房室精虛氣節者

爾雅云癰者節也癰者壅也疽者沮也是言陰陽不和有所

壅節皆成癰疽也又云陰滯於陽則發癰陽滯於陰則發疽

此二毒發無定處當以脉辨之浮洪滑數則為陽微沉緩瀦

則為陰陰則熱治陽則冷治法有四節八事初覺則宜消

熱毒已潰則宜排膿止痛膿盡則消惡肉惡肉盡則長傳

痂次序既明又須別其因以施治觀病淺深凶吉寒則溫之

熱則涼之虛則補之實則瀉之導以鍼灼以艾破毒潰堅以

平為期也

太平聖惠方癰疽已破洩其膿煩痛尚未全退診其脉洪滑

散者難療微瀆遲緩者易瘥諸緊數之脈應發熱而反惡寒者癰疽也

東垣云瘡之發其受之有內外之別治之有寒溫之異受之外者法當托裏以溫劑反用寒藥則是皮毛始受之邪引入骨髓受之內者法當疎利以寒劑反用溫劑托裏則是骨髓之病上徹皮毛表裏通瀆共爲一瘡助邪爲毒苦楚百倍輕則危殆重則死矣予聞潔古老人曰瘡瘍之生也非一不同或攻或發少有差舛變證隨爲殺人尤苦痛於傷也針灸施治隨宜所用之藥又當明入五臟君臣是其法也

李氏云小兒純陽多熱心氣鬱而多瘡瘍胎食過而受熱毒犀角散爲最餘如常法大下恐傷其胃

千金方云治發背已潰未潰豆豉水和搗成硬泥依腫大小作

餅三四分厚如已有瘡孔勿覆瘡孔上四布豉餅子列其上下灸之使微熱勿令破肉如熱痛急少起日灸二度如瘡有瘡孔孔出汁卽瘥

丹溪云漏瘡須先服補藥以生氣血卽參芪朮歸芎大劑爲主服以炮附子末唾津和爲餅如三錢厚安瘡上以艾炷灸之漏大艾炷亦大漏小艾炷亦小但灸令微熱不可令痛乾則易之如困則止來日如前法再灸直至肉平爲效亦有用附片灸仍前氣血藥作膏藥貼之

中臟經云癰疽瘡腫之作皆五臟六腑蓄毒不流非獨榮衛壅塞而發其行也有處其主也有歸假令發於喉舌者心之毒皮毛者肺之毒肌肉者脾之毒骨髓者腎之毒發於下者陰中之毒發於上者陽中之毒外者六腑之毒內者五臟之毒

故內曰壞外曰潰上曰從下曰逆發於上者得之速發於下者得之緩感於六腑者則易治感於五臟者則難治也此事難知論中定癰疽死之地分

- 一 荻菀 二 腓膈 三 背 四 五臟俞 五 項上 六 腦 七 髭 八 鬚 九 頤

按素問靈樞諸篇具瘡瘍之由生死之要針治之法甚詳宜翫本文大抵口上所言地分皆脈絡所會內系腑臟然患者得而早言醫者審證按法治之則皆為不死矣設不早治治不對證雖發於不死之地分吾恐亦致死矣

論背疽其源有五 見外科精要

- 天行一 瘦弱氣滯二 怒氣三 腎氣虛四 飲法酒食炙煿物服丹藥熱毒五 蓋治背疽不可一槩將為熱毒其治之難易當自一至五

外科心法卷之三

薛氏醫按

吳郡薛 已著 新都吳玄有校

瘡瘍用藥總論

夫人之病不同藥之性亦異有是病而宜用是藥不可以誤施也且如瘡疽痛息自寧飲食知味脈證俱緩緩則治本故可以王道平和之藥徐而治之亦無不愈若脈沉痼腫寒熱煩躁此厥症俱實宜瀉之非硝黃猛烈之劑不能除投以王道之劑則非也若瘡瘍聚腫不潰潰而膿水清稀或瀉利腸鳴飲食不人嘔吐無時或手足並冷此脈證俱虛非大補之藥不能平投以補黃攻伐之劑亦非也當推內經本旨而虛者補之實者瀉之熱者清之寒者溫之隨證用藥臨機應變庶不誤耳大抵瘡瘍



之證皆由臟腑不和氣血凝滯喜怒不常飲食不節或腠理不密邪氣客於經絡或服丹石之藥及膏梁厚味不慎房室精虛氣竭所致故治其證者當辨其表裏虛實隨宜治之若不推陰陽逆順氣味攻守率爾投藥以致實實虛虛或槩以王道為萬全猶執一而無權適以害之矣謹錄所嘗試而驗者于石

膿潰論

夫癰疽瘡癤皆由氣血壅滯而生也當推其虛實表裏而早治之可以內消此即托裏之意也若毒氣已結者勿泥此內消之法當辨膿之有無淺深若按之即復起者有膿也不復起者無膿也大按方痛者膿深也小按便痛者膿淺也急酌量刺之緩則穿通臟腑腐爛筋骨可不慎哉但病者多喜內消而醫者即用十宣散及敗毒散流氣飲之類殊不知十宣散雖有參耆然

防風白芷厚朴桔梗皆足以耗氣况不分經絡時令氣血多少而槩用之乎敗毒散乃表散之藥也雖有表證不過一二服况非表證而用之乎流氣飲乃行氣散血之劑若服之過度則氣虛血耗何以爲膿此三藥者不可輕用明矣若夫瘡既成膿皮膚不得疎泄昧者待其自穿殊不知少壯而充實者或能自解若老弱之人氣血枯槁兼或攻發太過不行針刺膿毒乘虛內攻穿腸腐膜鮮不誤事如沈氏室乳癰膿成予爲針刺及時不月而愈黃上舍腿癰膿熟惡針幾至危殆予爲刺之大補三月而愈練千兵腿癰脈證俱弱亦危甚矣予治以托裏得膿急使針刺彼固不從致膿水開泄淋漓不能收斂而久王安人發背待其自破毒氣內攻王貴腹癰潰透腹脇穢從瘡口而出予謂其決不起果然大抵瘡瘍之證感有輕重發有淺深淺者腫高

而軟發於血脉深者腫下而堅發於筋骨然又有發於骨髓者則皮肉不變膿成之時氣血壯實者或自出怯弱者不行針刺鮮有不誤東垣云毒氣無從而解膿瘀無從而泄過時不烙反攻於內內既消敗欲望其生豈可得乎茲舉一二與同道裁之使患者知所慎云

### 生肌止痛

夫肌肉脾之所主也潰後收斂遲速者乃氣血盛衰使然世之治者但知生肌用龍竭之屬止痛用乳沒之屬恪守不移余謂不然蓋生肌之法當先理脾胃助氣血為主則肌肉自生豈假龍竭之屬設若膿毒未盡就用生肌反增潰爛壯者輕者不過復潰或遲斂而已怯者重者必致內攻或潰爛而不斂亦危矣蓋止痛之法熱者清之寒者溫之實者損之虛者補之膿毒者

開之惡肉侵蝕者去之如是則痛自止豈假乳沒之屬如黃泥耘背發毒氣未盡早用生肌竟致潰爛予以解毒藥治之得愈許序班患此毒氣始發驟用生肌其毒內攻而死王汝道患腿癰因寒作痛與乳香定痛丸周朝儀母患時毒因熱作痛與防風通聖散丁蘭患臀癰膿潰因虛作痛與益氣養榮湯劉貴患腹癰因實作痛與黃連內疎湯主州守患腿癰膿成作痛予以爲刺之楊千兵母發背腐肉侵蝕作痛予以爲取之痛各自止嗟夫以寒治熱以熱治寒損實補虛此用藥者之繩墨若專用龍竭生肌乳沒止痛予恐其功不奏也

### 惡肉論

夫惡肉者腐肉也大凡癰疽瘡腫潰後腐肉凝滯必取之乃推陳致新之意若壯者筋骨強盛氣血充溢真能勝邪或自去或

自平不能為害若年高怯弱之人血液少肌肉澀必先迎而奪之順而取之是謂定禍亂以致太平設或留而不去則有爛筋腐肉之患如劉大尹汪太夫人取之及時而新肉即生得以全愈金工部陸舍人取之稍遲幾至不救鄭揮使取之失期大潰而斃予嘗見腐肉既去雖少壯者不補其氣血尚不能收斂若怯弱者不取惡肉不補氣血未見其生也患者慎之

瘡瘍捨時從證

張通北方人年踰四十夏月腋下患毒潰後不斂膿出清稀皮寒脈弱腸鳴切痛大便溏泄食下則嘔此寒變而內陷也治法宜以大辛溫之劑遂投以托裏溫中湯二貼諸證悉退更以六君子湯加炮乾薑肉桂數劑再以十全大補湯而愈陳揮使年踰五十冬日腿患癰脈數煩燥引冷便秘腫痛熾甚此熱淫於

內也法當以苦寒之藥投以清涼飲倍加黃芩治之其勢頓退更以四物湯加黃芩而痊又胡生耳後患毒脈證俱實以內疎黃連治之彼以嚴冬不服寒劑竟至不起殊不知羅謙甫曰用寒遠寒用熱遠熱有假者反之雖違其時以從其證又云凡治病必察其下謂察時下之宜而權治之故曰經者常也法者用也醫者意也隨其所宜而治之可收萬全之功矣

用十宣敗毒流氣宣泄藥

鄭大理伯興髀骨患疽背左右各一竟背重如負石兩臂如墜瘡頭皆如大豆許其隱於皮膚如粟者不計其數瘡色黯而不起已七日口乾作渴予診之脾胃脈甚處彼云昨日所進粥食今尚不消作酸予意此難治之證因與素善者籌其治法以隔蒜灸二十餘壯其背與臂動覺少便隨用六君子湯加薑汁炒

山梔及吳茱萸連服數劑吞酸遂止飲食少進但口乾瘡仍不起色亦不赤亦無膿復如前法灸二十餘壯背臂頓便瘡遂發其時適秋又投以大補之劑及生脈散以代茶飲○少宗伯顧東江脚患疽色黯口乾作渴予曰此精氣虛宜預補以顧收飲○一男子背疽不起發脈浮按之則濇此血氣俱虛故不能發非補劑不愈○一男子腦疽發而不腐余曰此人血氣止能發出不能腐潰須大補乃可○一男子素嗜慾且勞神惡熱喜冷仲冬始衣綿乃患癩癧脈洪大無力余曰此陰氣耗散陽無所附陽氣浮散於外而惡熱也敗毒散加芩連山梔四劑少愈再以四物湯加芩連白芷桔梗甘草金銀花數劑而消張錦衣年踰四十患發背心脈洪數勢危劇經云心脈洪數乃心火熾甚諸痛痒瘡瘍皆屬心火心主血心氣滯則血不行故

左癰也騎竹馬灸穴是心脈所由之地急灸之以瀉心火隔蒜灸以拔其毒再以托裏消毒果愈

潰瘍有餘

一男子年踰三十腹患癰腫脈數喜冷齊氏云癰瘍腫起堅硬者疽之實也河間云腫硬木悶煩燥飲冷邪氣在內也遂用清涼飲倍用大黃三劑稍緩次以四物湯加芩連山梔木通四劑而遂潰更以十宣散去參芪肉桂加金銀花天花粉漸愈彼欲速効自服溫補藥遂致肚腹俱腫小便不利仍以清涼飲治之膿潰數碗再以托裏藥治之而愈東垣云瘡疽之發其受之有內外之別治之有寒溫之異受之外者法當托裏以溫劑反用寒藥則是皮毛始受之邪引入骨髓受之內者法當疎利以寒劑反用溫劑托裏則是骨髓之病上徹皮毛表裏通潰共為一

瘡助邪為毒苦楚百倍輕則幾殆重則死矣

張都憲夫人性剛多怒胸前作痛肉色不變脈數惡寒經云洪數之脈應發熱而反惡寒瘡疽之謂也今脈洪數則膿已成但體豐厚故色不變似乎無膿以痛極始肯用針入數寸膿出數碗遂以清肝消毒藥治之而愈設泥其色而不用針無可救之理矣

趙宜人年踰七十患鬢疽已潰焮腫痛甚喜冷脈實大便秘澀東垣云煩躁飲冷身熱脈大精神昏悶者皆臟腑之實也遂以清涼飲一劑腫痛悉退更以托裏消毒藥三十餘劑而平若謂年高潰後投以補劑實實之禍不免矣

### 廬瘍不足

汪太常太夫人年踰八十腦疽已潰發背繼生頭如粟許脈大

無力此膀胱經濕熱所致夫脈無力乃血氣衰也遂以托裏消毒藥數服稍可更加參芪之劑雖起而作渴此氣血虛甚以人參黃耆各一兩當歸熟地各五錢麥門冬五味子各一錢數服渴止而不府能言氣血能告豈能省悟病者至死皆歸於命深可哀也又有患者氣質素實或有痰不服補劑然不知膿血出多氣血並虛豈不宜補余嘗治瘡陰用參芪大補之劑陽書敗毒之名與服之俱不中滿瘡亦有效虛甚者尙加薑桂甚至附子未嘗有不效也

### 服薑桂附子補益藥

留都鄭中翰仲夏患發背已半月瘡頭十餘枚皆如粟許漫腫堅硬根如大盤背重如負石卽隔蒜灸五十餘壯其背頓輕彼因輕愈不守禁忌三日後大作瘡不起發喜得作痛用活命飲

四劑勢少退用香砂六君子湯四劑飲食少進彼恃知醫自用  
敗毒藥二劑飲食益少口流涎沫若不目知此脾虛之甚也每  
用托裏藥內參芪各三錢彼密自揀去大半後雖用大補藥加  
薑桂亦不應遂合其子以參芪各一斤歸木各半斤乾薑桂附  
各一兩煎膏一罐三日飲盡涎頓止腐頓潰食頓進再用托裏  
健脾藥腐肉自脫而愈○崑山張舉人元忠孟秋患腰疽瘡頭  
如大豆粒根大三寸許微腫畧赤虛證悉具用桑枝炙患處服  
活命飲一劑腫起色赤飲食仍少用香砂六君子湯四劑食漸  
進後用大補藥膿雖成而不潰於補藥內每劑加附子一片二  
劑後膿自湧出旬日而愈○張侍御患背瘡三枚皆如粟彼以  
爲小毒服清熱化痰藥外用涼藥敷貼數日尙不起色黯不焮  
胸中氣不得出入其勢甚可畏連用活命飲二劑氣雖利膿清

稀瘡不起欲用補劑彼泥於素有痰火不受參朮之補因其  
執陽以敗毒之劑與視之而陰以參芪歸木各五錢薑桂各二  
錢服二劑背覺熱腫起腐肉得潰方信余言始明用大補藥乃  
愈○南都聘士葉公玉表兄聶姓者患發背時六月腐肉已去  
瘡口尺許色亦不焮發熱不食欲嘔不嘔服十宣散等藥自爲  
不起藥請余決之其脉輕診則浮而數重診則弱而濇此潰後  
之正脉然瘡口謂張血氣虛也欲嘔而不嘔脾胃虛也色赤焮  
腫虛火之象也尙可治遂與十全大補湯加酒炒黃柏知母五  
味麥門及飲童便飲食頓進肌肉頓生服至八劑瘡口收如粟  
許又惑於人言又服消毒藥二劑以爲消餘毒反發熱昏瞶急  
進前藥又二十餘劑乃愈後兩月因作善事一晝夜不睡致勞  
發熱似睡不睡與前藥二劑愈加發熱飲食不進惟飲熱湯後

以前藥加附子一錢二劑復愈○高秋官貞甫孟秋發背色黯  
而硬不痛不起脈沈而細四肢逆冷急用大艾隔蒜灸三十餘  
壯不痛遂用艾如粟大者七壯著肉炙始知痛與六君子湯二  
劑每劑入附子二錢不應後劑又加肉桂二錢始應○石武選  
廉伯患發背內服防風通聖散外敷涼藥汗出不止飲食不進  
且不寐瘡盈尺色黯而堅硬按之不痛氣息奄奄此陽氣已脫  
脈息如無急隔蒜灸時許背頓輕四圍高不知痛中央肉六寸  
許一塊已死服香砂六君子湯一劑翌日復炙一次痛處死血  
得解令砭去余歸後又爲他醫所惑未砭其血復凝又敷辛溫  
活血藥翌日依余言砭之出黑血二盞許彼云背強頓去以前  
藥加姜桂服一鍾卽甦睡覺來肢體少健但飲食仍不思吞酸  
仍有瘡仍不痛彼以爲陰毒乃如此赤曰此氣血虛極寒邪淫

於內無陽營於患處故肌肉死也非陰毒若陽氣一回胃氣卽  
省死肉卽潰可保無慮矣以前藥二劑各加薑桂附子二錢服  
之畧進米飲精神復舊患處覺熱脈畧有力此陽氣畧回矣是  
日他醫謂瘡瘍屬火證况今暑令乃敷芙蓉根等涼藥卽進粥  
二碗服消毒藥死肉卽潰余意芙蓉乃寒涼之藥與脾胃何益  
飲食卽時而進消毒乃辛散之劑與陽氣何補死肉卽時而潰  
此蓋前桂附之功至而脾胃之氣省故飲食進陽氣旺死肉腐  
也苟虛寒之人若內無辛熱回陽之藥輒用寒涼攻毒之劑豈  
可得而生耶若以爲火令屬陽之證內有熱而施辛溫補益之  
劑豈不致死而反生耶殊不知此乃捨時從證之治法也○一  
聘士流注久潰肌肉消瘦發熱作渴惡寒飲食予以六君子加  
歸芪附子服數劑患處遂紅活又服十全大補三十餘劑膿漸

稠而愈後惑於人言謂盛暑不宜用附子彼又因場屋不遂意復患前證專服敗毒流氣之劑元氣消燬肌肉日瘦醫以爲不治自分不起其師滕洗馬云向者病危得附子藥而起今藥不應以致危篤何不仍服附子藥遂復求治其脈微細證屬虛寒並無邪毒仍用附子藥乃愈○庚辰年少司馬楊夫人傷寒誤服附子藥一鍾卽時咽喉赤腫急邀余治余謂仲景先生云傷寒證桂枝下咽陽盛則斃何況附子乎辭不治是日果死○甲申年一男子時疫發厥誤以爲陰證服薑桂藥一鍾發狂溺水而死○壬午仲冬金臺一男子腹痛服乾薑理中丸卽時口鼻出血煩躁發狂入井而死○辛卯年一吏傷寒誤用附子藥一鍾下咽發躁奔走跌死夫盛暑之際附子薑桂三藥併用連進三四劑無事嚴冬時令三藥單用一味止進一劑者却死可見

羅謙甫先生拾時從證權宜用藥之妙余宗此法冬間瘡證如脈沉實或洪數大便秘瘡掀痛煩躁或飲冷不絕者卽用稍黃芩連之劑攻之雖夏令脈虛弱或浮大瘡不潰膿清稀惡飲寒者卽用薑桂參芪之劑補之如脈沉細瘡不痛不潰作吃逆手足冷大便不實或瀉利或腹痛更加附子皆獲大効昧此理者反以爲非惑亂患人格守常法冬用溫和夏用清涼以致誤人深可哀也

瘡瘍裏虛去後似痢

一男子發背膿始潰腫未消已十七日脈微而靜余曰膿毒未盡脈先弱此元氣虛宜補之不則後必生變彼惑於人言乃服敗毒藥腐肉雖潰瘡口不完忽腹中似痛後去白垢肛門裏急復求治余曰此裏虛然也非痢非毒當溫補脾胃爲善因諸瘍



醫皆以為毒未盡仍服敗毒藥而死○賀少參朝儀背脾患疽  
大如豆粒根畔木悶不腫肉色如常余曰此氣虛毒甚之證雖  
用補劑亦不能收斂先用活命飲二劑背強少和又二劑疽少  
赤用大補劑瘡出黑血杯許繼有鮮血微有清膿余曰可見氣  
血虛極矣他醫以為屬氣血有餘之證密用攻毒藥一鍾即嘔  
逆腹內陰冷而死○少司寇周玉巖背患疽在脚已四日瘡頭  
如粟重如負石堅硬不起自以為小恙外敷涼藥內服連翹消  
毒散去後四次形體倦怠自汗盜汗口乾無寐請余治余曰瘡  
不宜硬色不宜黯公曰初起時赤而軟自用前二藥以致如此  
余曰凡瘡外如棘內如爪毒結於內非小患耳脈輕診似數按  
之則微未潰脈先弱主後難斂因與鄉雅不能辭遂隔蒜灸二  
十餘壯乃知瘡又十餘壯背覺少和服六君子湯加黃芪

雷歸麻黃根浮麥二劑渴止汗少斂瘡色仍黯堅硬又服辛溫  
活血之藥瘡始起渴止汗斂所結死血得散良久汗復出口復  
乾又服數劑外皮雖潰清膿尙未潰通於內膿欲走別處彼用  
藥圍之余曰裏虛而膿不能潰於外圍藥逼毒入內至十二日  
脈浮按之如無再用前藥二劑加薑桂服之即安寐又二日脈  
忽脫再於前藥加附子七分服二劑公曰背今日始屬吾也形  
體亦健頗有生意因余先日有言難以收斂屢更醫治乃雜用  
清熱解毒及敷涼藥遂致裏虛元氣下陷去後如痢用治痢消  
毒藥而死○姜舉人發背十日正腐潰作渴喜熱湯飲此中氣  
虛不能生津液而口乾宜預補之否則不能收斂後瘡口果不  
收猶以毒爲未盡用敗毒藥兩月瘡口不完清利腹痛又服清  
涼之藥而死○王亭班發背元氣虛弱用托裏藥而始起用大

補藥而始潰彼惑他議敷涼藥致腹內不和裏急後重去後如痢大孔作痛余曰此裏虛非痢仍用敗毒治痢藥而死凡瘡大潰之後大便後有白膿或止便白膿或瀉痢此腸胃氣虛也裏急後重血虛也若果痢亦不可用清涼敗毒之藥況仲景先生云治痢不止者當溫之下痢腹痛急當救裏可與理中四逆附子輩大孔痛當溫之東垣先生治痢元氣陷下者未嘗不用溫補之藥然瘡膿潰既久血氣既弱不用溫補吾不得而知也

客問瘡瘍脉洪數身作熱爲陽證亦有死者書云陰滯於陽則生癰脉見沉細弱瀋陽滯於陰則生疽脉見浮洪弦數此氣血爲證瘡疽屬陰屬陽之論也彼瘡疽雖因積熱所成若初起未成膿脉洪數乃陰虛陽亢之證若膿潰於內不得發泄於外身必發熱故脉洪數瘡疽之病進也膿既去則當脉靜身

涼腫消痛息如傷寒表證之得汗也若反發熱作渴脉洪數者此真氣虛而邪氣實也死無疑矣○嘗治賈閣老子患流注脉數作渴不喜飲冷膿水清稀面帶赤色予曰此氣血虛而兼火也治難奏功彼以爲迂別服燥濕分利之劑兩月餘反加煩渴寒熱往來復邀治形體已脫予曰雖治亦無功矣後果不起○邵黃門子手合骨處患一核半年後潰一小孔如粟又年餘不合日出清膿數滴或止三四滴面上赤脉數口乾夜則發熱晝則惡寒行履如故此氣血俱虛也辭不治月餘後他處相會彼云小兒有不藥之功矣余曰過火令方爲喜也已而果斃○一男子年四十餘歲發背未潰卽作渴脉數腫高色紫面赤小兒如膏予以加減八味丸料加酒炒知母黃栢爲丸每日空心并食前以童便送下百丸用八珍湯加五味子麥門冬黃芪酒炒

知母赤小豆食遠煎服逐日又以童便代茶飲之渴止瘡潰而愈吾治得生者此人耳

客問人素多食肌肉不壯患癰後出清膿食少而瘦服附子藥瘡愈若數日不服飲食仍少難化不知附子藥可常服否東垣先生云胃中元氣盛則能食而不傷過時而不飢脾胃俱旺則能食而肥也脾胃俱虛則不能食而瘦或少食而肥雖肥而四肢不舉蓋脾實而邪氣盛也又有善食而瘦者胃伏火邪於氣分也則能食脾虛則肌肉削即食休也然瘡口不合膿水清稀氣血俱虛也飲食少而難化脾胃虛寒也肌體瘦弱面色痿黃膽氣不行也非參芪歸朮之類不能補非附子不能助其功今飲食進少且難消化屬脾胃虛寒蓋脾胃屬土乃命門火虛不能生土而然不宜直補脾胃當服八味丸補火以生土也

○嘗治山西曹主簿年踰四十夏間患附骨癰服托裏藥而愈至秋飲食少思痰氣壅盛口舌生瘡○一男子素弱惡寒食雖熱食亦少作脹吞酸日消瘦服參苓等藥及灸脾腧等穴不應余用八味丸治之並愈此亦真氣不足不能生土虛火炎上之證也

### 敷貼寒涼藥

施二守項右患一核用涼藥敷貼頸背腫又敷之腫胤胸腋冷應腹內不悟涼藥所致尚以為毒盛形體疲憊自以為不起請余治敷藥處熱氣如霧急令去藥良久瘡色變赤刺出膿用托裏藥而愈○汪夫人發背用敷藥冷胤胸內欲嘔急令洗去用托裏尋愈○張侍御發背專用敷藥瘡黯不起胸膈痞悶氣不能呼吸自分不治余用托裏辛溫藥而愈○一男子患腦疽腫

高作痛腫處敷藥痛雖止而色變黯腫外作痛仍敷之肉色亦黯喉內作痛不悟此為涼藥所誤反盡頸敷之其頸皆潰而死○一婦人乳內結核年餘不消口乾倦怠脈澹少食余曰此肝脾二經血氣虧損之證○一男子因怒左脇腫一塊不作痛脈澹而浮余曰此肝經邪火熾甚而真氣不足為患皆宜培養氣血為主皆用草藥敷貼俱致不救○劉太宰紫巖太夫人發背元氣不足用托裏藥而起○王安人發背正潰時欲速効俱敷草藥即日而死○一男子腎癰腐潰肌肉不生用藥敷之四沿反硬予診之脈澹而弱此氣血虛不能營於患處故敷涼藥反硬乃氣血受寒凝結而非毒也用大補藥愈矣大抵瘡之起發潰斂皆氣血使然各人元氣虛實不同有不能發出而死者有發出不能成膿而死者有成膿不能腐潰而死者有腐潰不能

收斂而死者敷貼之法但可應酬輕小之證耳若血氣已竭其患必死不但敷貼不効且氣血喜溫而惡寒腠理喜通而惡塞氣血因而愈滯腫患因而愈盛邪氣因而愈深腐潰因而愈大怯弱之人取敗多矣況瘡瘍乃七情相火或食膏粱或餌金石以傷陰血陽盛陰虛受病於內而發於外若不別氣分血分陰陽虛實腐潰淺深服藥尚不能以保生可敷貼而已乎

注夏患瘡瘍

一男子年四十三歲自四十已來每至夏發熱而倦日午益甚晚涼少可面生瘡癩耳下筋微腫更結小核三四枚附筋上余曰此火令不慎房勞虧損腎水不能制火然也名曰注夏彼不信服降火敗毒藥加口乾倦怠夜間熱甚午後腿軟足心熱筋牽痛復來問治余曰口乾倦怠此中氣陷下也夜間發熱陽氣

陷於陰分也午後腿酸足熱陰虛火甚也耳下筋牽痛血虛不能潤筋也先以補中益氣湯少用柴胡升麻加五味子麥門冬熟地黃治之諸證頓退更服滋腎丸而痊若以每至火令而然用敗毒涼藥鮮不危矣四月屬巳五月屬午爲火太旺火旺則金衰六月屬未爲土太旺土旺則水衰況腎水以肺金爲母故內經諄諄然資其化源也古人以夏月必獨宿而淡味兢兢業業愛護保持金水二藏正嫌火王之時耳內經又曰藏精者春不病瀝十月屬亥十一月屬子正火氣潛伏閉藏以養其本然之真而爲來春發生之本若於此時不自戕賊至春生之際根本壯實氣不輕浮焉有濕熱之病又云春末夏初患頭痛脚軟食少體熱仲景云春夏劇秋冬差而脉弦大者正世俗所謂注夏病也

汗多亡陽

劉大尹年將五十陸路赴京兼喪子患發背盈尺中六寸許不痛發熱口乾惡寒自汗少食大便不禁且氣促脉浮大按之空虛余用補中益氣湯加半夏茯苓四劑又以隔蒜灸之彼云背重已去形氣少健但吞酸前日所進飲食覺仍在腹又以前藥加薑桂服二劑飲食少進吞酸已止始得睡瘡且不痛不潰疑爲陰證余曰此陽氣虛不能營於患處故所患肉死而不痛不潰也若胃氣回飲食進死肉卽潰矣仍服前藥六劑飲食漸進患處漸潰脉有力余曰此陽氣回矣後惑於他醫云必服飛龍奪命丹出汗爲善遂進一服汗大出三日不止復請治余曰汗多亡陽無能爲也強曰諸書云汗之則瘡已豈能爲患後果死東垣先生云瘡瘍因風熱鬱於下其人多怒其瘡色赤腫腐結硬而痛左關脉洪緩而弦是邪客於血脉之上皮膚之間故發

其汗而通其榮衛則邪氣去矣。○謙甫先生治瘡瘍冬月脈浮緊按之洪緩乃寒覆皮毛鬱遏經絡熱不得升聚而赤腫蓋冬月乃因寒氣收斂皮膚緻密腠理汗不得出而設也。況發汗乃陰盛陽虛寒邪不能自出必得陽氣泄汗乃出是助陽退陰之意也。且前證未潰其氣血既虛潰後氣血愈虛凡瘡雖宜汗然元氣虛者不宜況所見之證俱屬不足豈可汗邪。○留都機房紀姓者背瘡胃氣虛用溫補藥而飲食進大補藥而瘡瘍愈後患腿痛余用養血化痰之劑少止彼嫌功緩他醫以為濕熱服麻黃左經湯一劑汗出不止余曰必發瘧而死已而果然。

下多亡陰

王德之患發背脈浮數按之則瀉大便五六日不行腹不如脹余曰邪在表不在裏但因氣血虛飲食少故大便不行非蒸結

也宜生氣血為主彼泥積毒在內用大黃之藥下之遂連瀉三四次更加發熱來日又服一劑瀉遂不止飲食不化吃逆不絕手足背冷予診之脈已脫辭不治其子曰瀉之能為害乎余曰服利藥而利不止者死不當瀉而強瀉令人開腸洞泄不禁者死下多亡陰者死曰瘡瘍乃積毒在藏若不驅逐其毒何以得解余曰瘡瘍雖積毒在藏府治法先當助胃氣使根本堅固參以行經活血時宜之藥非專用大黃也。今病在表而反以峻利之劑重奪其陰其可乎哉。故曰表病裏和而反下之則中氣虛表邪乘虛而入由是變證百出。雖云脈浮數邪在表屬外因當用內托復煎散其間黃芩蒼朮亦不敢用脈沈實邪在內屬內因當用內疎黃連湯其中大黃檳榔亦不敢用況浮數瀉三脈皆主血氣俱虛邪既在表而反用峻利之劑重瀉其裏誅伐無

過不死何俟

瘡瘍有餘

維揚俞黃門年踰三十冬月鬢患毒腫焮煩躁便秘脈實此膽經風熱壅上而然也馬氏云瘡瘍之證熱壅而不利者大黃湯下之遂以一劑便通瘡退更以荆防敗毒散二劑再以十宣散去桂加天花粉金銀花數劑而愈太宗伯羅公耳後髮際患此焮痛脈數以小柴胡湯桔梗牛蒡子金銀花四劑而愈

趙州守北方人年踰四十頭面生瘡瘍數枚焮痛飲冷積日不潰服清熱消毒藥不應診其脈數按之則實予以防風通聖散二劑頓退又以荆防敗毒散而愈又一男子患在四肢審其脈證亦屬有餘以黃連解毒湯治之亦愈

楊百戶曾患毒腫高焮赤發熱脈數大小便澀飲食如常齊氏

曰腫起色赤寒熱疼痛皮膚壯熱頭目昏重氣血之實也又云大便硬小便澀飲食如故腸滿膨脹胸膈痞悶肢節疼痛身熱脈大精神昏塞臟腑之實也遂以黃連肉疎湯二劑諸證漸退更以荆防敗毒散加芩連山梔四劑少愈再以四物湯加芩連白芷桔梗甘草金銀花數劑而消

張錦衣年踰四十患發背心脈洪數勢危劇經云心脈洪數乃心火熾甚諸痛瘡瘍皆屬心火心主血心氣滯則血不行故主癰也騎竹馬灸穴是心脈所由之地急灸之以瀉心火隔蒜灸以拔其毒再以托裏消毒果愈

潰瘍有餘

一男子年踰三十腹患癰腫脈數喜冷齊氏云瘡瘍腫起堅硬瘡疔之實也河間云腫硬木悶煩燥飲冷邪氣在內也遂用清

涼飲倍用大黃三劑稍緩次以四物湯加芩連山梔木通四劑而遂潰更以十宣散去參芪肉桂加金銀花天花粉漸愈彼欲速効自服溫補藥遂致肚腹俱腫小便不利仍以清涼飲治之膿潰數碗再以托裏藥治之而愈東垣云瘡疽之發其受之有內外之別治之有寒溫之異受之外者法當托裏以溫劑反用寒藥則是皮毛始受之邪引入骨髓受之內者法當疎利以劑反用溫劑托裏則是骨髓之病上徹皮毛表裏通潰共爲一瘡助邪爲毒苦楚百倍輕則幾殆重則死矣

張都憲夫人性剛多怒胸前作痛肉色不變脈數惡寒經云洪數之脈應發熱而反惡寒瘡疽之謂也今脈洪數則膿已成但體豐厚故色不變似乎無膿以痛極始肯用針入數寸膿出數碗遂以清肝消毒藥治之而愈設泥其色而不用針無可救之

趙宜人年踰七十患贅疽已潰焮腫痛甚喜冷脈實大便秘東垣云煩躁飲冷身熱脈大精神昏悶者皆臟腑之實也遂以清涼飲一劑腫痛悉退更以托裏消毒藥三十餘劑而平若謂年高潰後投以補劑實實之禍不免矣

腫瘍不足

汪太常太夫人年踰八十腦疽已潰發背繼生頭如粟許脈大無力此膀胱經濕熱所致夫脈無力乃血氣衰也遂以托裏消毒藥數服稍可更加參芪之劑雖起而作渴此氣血虛甚以人參黃耆各一兩當歸熟地各五錢麥門冬五味子各一錢數服渴止而不潰以前藥加肉桂十餘劑膿成針之瘀肉漸腐徐徐取去而膿猶清不斂投以大劑十全大補湯加白斂貝母遠志三十餘劑膿稠而愈設若不加峻補及不去腐肉以渴爲火投

外科正宗卷之二十一  
瘡疽



以涼藥欲保其生也難矣

居庸關王揮使臂腫一塊不痛不赤惟脉弱懶食時嘔以六君子湯加藿香酒炒芍藥治之嘔止食進再以八珍湯二十餘劑成膿刺之又以十全大補而愈次年傷寒後此臂仍腫微痛乃傷寒餘毒也然無表證但虛弱先用十宣散四劑取參耆芎歸扶助元氣防風桔梗白芷厚朴行散腫結肉桂引經破血腫退三四再以八珍湯膿潰而愈至冬臂復作痛因服祛風藥反筋攣痛甚予謂此血虛不能養筋筋虛不能束骨遂以加味十全大補湯百貼而愈

崑山高舉八年踰三十夏月熱病後患頤毒積日不潰氣息淹淹脉診如無飲食少思大便不禁脉經云脉息如無似有細而微者陽氣衰也齊氏云飲食不入大便滑利腸胃虛也遂以六君子湯加炮乾薑肉豆蔻破故紙數劑瀉稍止食稍進更加以黃耆當歸肉桂潰而膿水清稀就於前藥每服加熟附子一錢數劑瀉止食進膿亦漸稠再以十全大補湯用酒炒芍藥加白飲月餘

句容曹水部文兆年踰四十髀髀患毒已半月餘頭甚多狀如粟許內痛如刺飲食不思怯甚脉歇至此元氣虛疽蓄于內也非炙不可遂炙二十餘壯餘以六君子湯加藿香當歸數劑瘡勢漸起內痛頓去胃脉漸至但瘡色尚紫瘀肉不潰此陽氣尙虛也燃桑柴炙之以補接陽氣解散其毒仍以前藥加參耆歸桂色赤膿稠瘀肉漸腐取去兩月餘而愈夫邪氣沉伏真氣怯弱不能發起須炙炙而兼大補投以常藥待其自潰鮮有不誤一男子因勞發熱脇下腫痛脉雖大而按之無力此氣血虛勝

理不密邪氣襲于肉裏而然也河間云若人飲食疎精神衰氣血弱肌肉消薄榮衛之氣短促而澁滯故寒薄腠理閉鬱而癰腫也當補之以接虛怯之氣遂以補中益氣湯加羌活四劑少可去羌活又十餘劑而愈又一男子年二十遍身微痛腰間作腫痛甚以前藥加茯苓半夏並愈

朱文鼎母因忿鬱腹下結一核二十餘年因怒加腫痛完穀不化飲食少思東垣云瀉利不止飲食不入此腸胃虛也遂以六君子湯加砂仁肉桂乾薑肉豆蔻瀉雖止而膿清瘡口不合氣血俱虛也以十全大補湯月餘而愈

一男子素好酒色小腹患毒脈弱微痛欲求內消予謂當助胃壯氣兼行經活血藥佐之可消不宜用敗毒等藥彼欲速効自用之病勢果盛瘡亦不潰飲食少思迨兩月餘復請予治診其

脈愈弱盜汗不止聚腫不潰肌寒肉冷自汗色脫此氣血俱虛也故不能發腫成膿以十全大補湯三十餘劑遂成膿刺之反加煩燥脈大此亡陽也以聖愈湯二劑仍以前湯百貼而愈一男子脇腫一塊日久不潰按之微痛脈微而瀉此形證俱虛也經曰形氣不足病氣不足當補不當瀉予以人參養榮湯治之彼不信乃服流氣飲虛證悉至方服前湯月餘少愈但腫尚硬以艾葉炒熱熨患處至十餘日膿成以火針刺之更炙以豆豉餅又服十全大補湯百劑而愈蓋流氣飲通行十二經則諸經皆為所損况膽經之血原少又從而損之幾何不至於禍邪凡一經受病則當主於其經苟不察其由泛投剋伐之劑則諸經被戕能無危乎河間云凡瘡止於一經或兼二經者止當求責其經不可干擾餘經也

張通府耳後髮際患腫一塊無頭肉色不變按之微痛彼以為  
痰結診其脈軟而時見數經云脈數不時見則生瘡也非痰結  
仲景云微弱之脈主血氣俱虛形精不足又云沉遲軟弱皆宜  
托裏遂以人參白朮黃耆當歸川芎炙甘草以托裏少加金銀  
花白芷桔梗以消毒彼謂不然內飲降火化痰外貼涼藥覺寒  
微瘡患處大熱頭愈重飲食愈少復請治以四君子湯加藿香  
炮乾薑數劑飲食漸進膿成刺之更以十全大補湯去桂及炙  
以豆豉餅又月餘而愈

山西曹主簿年踰四十夏間患附骨癰予以火針刺去瘀血更  
服托裏藥而愈至秋忽不飲食痰氣壅盛勞則口舌生瘡服寒  
藥腹痛彼疑為瘡毒診之脾腎脈輕診似大按之無力此真氣  
不足虛火炎上故也遂投以八味丸治之彼謂不然自服二陳

四物幾殆復請予仍以前丸治之而愈有脾土虛不能尅腎  
水多吐痰而不咳者尤當用此丸也

平氏室患發背以托裏消毒藥二十餘劑而潰因怒頓吐血五  
六碗許氣弱脈細此氣血虛極也遂令服獨參膏斤許稍緩更  
以參耆歸朮陳皮炙甘草三十餘劑瘡口漸合設投以犀角地  
黃湯沉寒之藥鮮有不誤

一男子年踰四十胃氣素弱面常生瘡盜汗發熱用黃耆建中  
湯少愈更以補中益氣湯而平東垣云氣虛則腠理不密邪氣  
從之逆於肉理故多生瘡若以甘溫之劑實其根本則腠理自  
固即無他疾

一男子神勞多怒頸腫一塊久而不消諸藥不應予以八珍湯  
加柴胡香附每日更隔蒜炙數壯及日飲遠志酒二三盞而消

宜與徐符卿年踰四十患發背五日起肉色不變脈弱少食大便不實予以凡疽未潰脈先弱難於收斂用托裏消毒散二劑方起發彼惑一嫗言貼膏藥服攻毒劑反盛背如負石復請予治遂以隔蒜灸三十餘壯彼云背不覺重但痒痛未知更以托裏藥知痛痒膿清仍以前藥倍加參芪佐以姜桂膿稍稠又爲人惑外用猪腰子貼抽膿血內服硝黃劑遂流血五六碗許連瀉十餘行腹內如水飲食不進不得已速予診之脈進脫已不可醫矣蓋其證屬大虛不足之甚雖一於溫補猶恐不救况用攻伐之劑不死何俟

沈侍御文燦患腎腫痛小便不利彼謂關格症以艾蒸臍大便亦不利以降火分利之藥治之不應予診其脈數膿成此癰患也遂針之出膿數碗許大便卽利五日陰囊腫脹小便不行仍針之尿膿大泄氣息奄奄脈細汗不止潰處愈張覆用大劑參芪歸朮之藥猶緩俾服獨參湯至二斤氣稍復又服獨參湯至十餘斤兼以托裏藥兩月餘而平大抵瘡瘍膿血之泄先補血氣爲主雖有他病當從末治

一男子年四十餘患腰痛服流氣飲寄生湯不應以熱手熨之少可益脈沉弦腎虛所致以補腎丸愈之

潰後發寒熱

一男子患腿癰膿已成予針之出二碗許飲以托裏藥一劑大發熱更以聖愈湯二劑而止翌日惡寒不食脈細如絲以人參一兩熟附子三片姜棗煎再服而愈但少食不寐更與內補黃耆湯而平

一婦人患乳癰愈後發熱服養氣血藥不應與八珍湯 炮乾

薑四劑而止仍以前湯加黃耆香附三十餘劑氣血平復  
 一婦人瘰癧愈後遍身作痒以十全大補湯倍加香附治之愈而  
 一男子腿腫發熱畏寒以補中益氣湯治之彼以為緩乃服苓  
 連等藥熱愈盛復請治予與人參養榮湯二十餘劑而潰更以  
 參耆歸朮炙甘草肉桂又月餘而斂夫火之為病當分虛實苓  
 連苦寒能瀉心肺有餘之火若老弱或飲食勞倦而發者此為  
 不足當以甘溫之劑治之未嘗有實熱而畏寒虛熱而喜寒者  
 此其驗

一婦人患瘰癧延至胸腋膿水淋漓日久五心煩熱肢體疼痛  
 頭目昏重心忪煩赤口乾咽燥發熱盜汗食少嗜臥月水不調  
 臍腹作疼予謂非瘡故乃血虛而然也服逍遙散月餘少可更  
 服八珍湯加牡丹皮香附子又月餘而經通再加黃耆白斂兩

月餘而愈

一室女臂患腫潰久不斂寒熱交作五心煩熱飲食少思月水  
 不通亦與前藥經行瘡愈一婦人月水不行潮熱咳嗽肌體日  
 瘦胸膈不利頸腫一塊日久不消亦服前藥熱退腫消經行而  
 一婦人因怒傷不思飲食發熱倦怠骨肉痠痛羸瘦面黃經水  
 積漸不通頸間結核以逍遙散八珍湯治之少可彼自誤服水  
 蛭等藥血氣愈虛遂致不起良甫云憂愁思慮則傷心心傷則  
 血逆竭血逆竭則神色先散而月水閉火既受病不能榮養其  
 子故不嗜食子虛則金氣虧故發嗽既作水氣絕故四肢乾  
 木氣不克又云經候微少漸漸不通手足骨肉煩痛日漸羸瘦  
 潮熱其脉微數此由氣虛血弱陽往乘之少水不能滅盛火故  
 火逼水涸亡津液當養血益陰用柏子丸澤蘭湯為主勿遽通

潰瘍作痛

丁蘭年二十餘股內患毒日久欲求內消診其脈滑數知膿已成因氣血虛不潰遂刺之膿出作痛以八珍湯治之少可但膿水清稀更以十全大補湯加炮附子五分服數劑漸愈仍服十全大補湯三十餘劑而痊丹溪云膿出而反痛者虛也河間云亦有僧股內患腫一塊不痛不潰治以托藥二十餘劑膿成刺之作痛予謂腫而不潰潰而反痛此氣血虛甚也宜峻補之彼云氣無補法予謂正氣不足不可不補補之則氣化而痛邪自除遂以參耆歸朮熟地黃治之兩月餘而平大凡瘡瘍之作先發為腫氣血鬱積蒸肉為膿故多痛膿潰之後腫退肌寬痛必漸減而痛愈盛者此氣血不足也亦丹溪河間虛甚之說

潰瘍不痛

陳監生年踰三十左腿微腫痛雖日久肉色如故不思飲食藥垣云瘡瘍之證腫下而堅者發於筋骨此附骨疽乃真虛濕氣襲於肉裏而然蓋諸腫皆稟於胃食少則胃弱法當助胃壯氣遂以六君子湯加霍香當歸數劑飲食漸進更以十全大補湯山西宋瑛年踰三十臂患癰潰而不痛膿稀脈弱丹溪云疽潰深而不痛者胃氣大虛而不知痛也東垣云膿水清稀瘡口不合氣血俱虛也當以大補藥治彼不聽服消毒藥氣血虛甚遂不救丹溪云纔見腫痛參之脈症虛弱便與滋補氣血無虧可保終吉又云潰瘍內外皆虛宜以補接為主

熱毒作嘔

劉貴腹患癰焮痛煩燥作嘔脈實河間云瘡瘍者火之屬須分內外以治其本若脈沉實者先當疎其內以絕其源又云嘔噦

心煩脈沉而實腫硬木悶或皮肉不變邪氣在內宜用內疎黃連湯治之然作嘔脈實毒在內也遂以前湯通利二三行諸證悉去更以連翹消毒散而愈

金臺王時亨年踰四十臂患毒癩痛作嘔服托裏消毒藥愈甚予以涼膈散二劑頓退更以四物湯加芩連四劑而消

胃寒作嘔

張生患漆瘡作嘔由中氣弱漆毒侵之予以六君子湯加砂仁藿香酒炒芍藥治之彼不信另服連翹消毒散嘔果盛復邀治仍以前藥外以麻油調鐵鏽末塗之而愈

王文遠嘗患毒作痛服寒涼藥遂致食少大便不實予以理中丸二服更以六君子湯加砂仁藿香治之再以托裏藥膿潰而愈大凡瘡痛甚者如稟厚有火則宜苦寒之劑若稟薄者則宜

補中益氣湯加芩連之類在下加黃柏人肥而瘡作痛者宜用荆防羌獨之類蓋取其風能勝濕也

顧浩室年踰四十患發背治以托裏藥而潰忽嘔而瘡痛胃脈弦緊彼以為餘毒內攻東垣云嘔吐無時手足厥冷臟腑之虛也丹溪云潰後發嘔不食者濕氣侵於內也又云膿出而反痛此為虛也今胃脈弦緊木乘土位其虛明矣予欲以六君子湯用酒炒芍藥砂仁藿香治之彼自服護心散嘔愈甚復邀治仍用前藥更以補氣血藥兩月而愈大抵濕氣內侵或感穢氣而作嘔者必喜溫而脈弱熱毒內攻而作嘔者必喜涼而脈數必須辨認明白亦有大便不實或腹作痛或膨脹或嘔吐或吞酸噎腐此腸胃虛寒也以理中湯治之如不應加熟附子二三片有侵晨作瀉者名曰腎瀉以二神丸治之有食少漸瘦者為脾

薛氏醫案 外科心法卷之三 三

腎虛也尤宜服二神丸是又治夢遺生肌肉之要藥也予嘗飲  
食少思吞酸噯腐諸藥不應唯服理中湯及附子理中丸有效  
蓋此症皆因中氣虛寒不能運化鬱滯所致故用溫補之劑中  
氣溫和自無此證矣河南張承祖年踰二十腋下患毒十餘日  
腫硬不潰脈弱時嘔予謂腫硬不潰脈弱乃陽氣虛嘔吐少食  
乃胃氣弱先以六君子湯加藿香砂仁治之彼曰腫瘍時嘔當  
作毒氣攻心治之潰瘍時嘔當作陰虛補之予曰此丹溪大槩  
言也即諸痛痒瘡皆屬心火如腫赤痛甚煩燥脈實而嘔為有  
餘當下之腫硬不潰脈弱而嘔為不足當補之亦有痛傷胃氣  
或感寒邪穢氣而嘔者雖腫瘍尤當助胃壯氣彼執不信飲攻  
伐藥愈病復請診其脈弱微而發熱予謂熱而脈靜脫血脈實  
汗後脈躁皆濕治後果效夫腫瘍毒氣內侵作嘔十有一二潰

瘍濕氣內侵侵作嘔十有八九豈可混為一途

一人胃弱痰盛口舌生瘡彼服滾痰丸愈盛反瀉不止惡食怠  
倦此胃氣被傷也予以香砂六君子湯數劑少可再以補中益  
氣湯加茯苓半夏二十餘劑而愈夫胃氣不足飲食不化亦能  
為痰補中益氣乃治痰之法也苟虛證而用峻利之劑鮮不  
周上舍脾胃虛服養胃湯枳朮丸初有效而久反虛口舌生瘡  
勞則愈盛服敗毒樂則嘔吐此中氣虛寒也以理中湯治之少  
愈更以補中益氣湯加半夏茯苓月餘而平夫養胃湯香燥之  
劑也若飲食停滯或寒滯中州服則燥開胃氣宿滯消化少為  
近理使久服則津液愈燥胃氣愈虛况胃氣本虛而用之豈不  
反甚其病哉亦有房勞過度真陽衰憊或元稟不足不能上蒸  
中州不運致食不進者以補真丸治之若丹田之火上蒸脾土



脾土溫和中焦自治飲食自進又云飲食不進胃膈痞塞或食而不消大腑溏泄此皆真火衰不進蒸運脾土而然也若腎氣壯則丹田之火上蒸脾土即無此病矣

有人因勞倦耳下焮腫惡寒發熱頭疼作渴右手脈大而輒此不足證也當服補中益氣湯彼反用發表藥遂致嘔吐始悟予以六君子湯治之更服補中益氣湯而愈大抵內傷者榮衛失守皮膚間無氣以滋養則不能任風寒胃氣下陷則陰火上衝氣喘發熱頭痛發渴而脈大此乃不足之證也大抵飲食失節勞役過度則多成內傷不足之證若誤以爲外感表實而反瀉之豈不致虛虛之禍哉東垣云凡內傷爲飲食勞役所傷則右手脈大於左手外感風寒則左手脈大於右手當以此辨之一婦人年三十餘飲食後每因怒氣吞酸噯腐或兼腿根焮腫

服越鞠丸等藥不應此脾氣虛濕氣下注而然也予以六君子湯香附砂仁藿香炮薑數劑少愈更以六君子湯數劑而愈一男子癩癰已愈患吞酸服參朮藥不應彼謂餘毒予治以附子理中丸亦愈

